



28168

Ud 1242

40

(8 IX 12)

Var. : Bened. 1242, 1243.

126 2092

HIERONIM WILDER  
POLSKI ANTYKWARJATNAUKOWY  
WARSZAWA UL. RAUGUTTA 8

Biblioteka Jagiellońska




stdr0014752

Bevol. Ud 1242



JURIUM  
HUNGARIÆ  
IN  
RUSSIAM MINOREM  
ET  
PODOLIAM  
BOHEMIÆQUE  
IN  
OSWICENSEM ET ZATORIENSEM  
DUCATUS  
*PRÆVIA EXPLICATIO.*



---

VINDOBONÆ,  
TYPIS JOANNIS THOMÆ NOB. DE TRATTNERN,  
SAC. CÆS. REG. AUL. TYPOGR. ET BIBLIOP.


---

MDCCLXXII.





JUR IUM  
H U N G A R I Æ  
IN  
RUSSIAM MINOREM  
ET  
PODOLIAM  
B O H E M I Æ Q U E  
IN  
OSWICENSEM ET ZATORIENSEM  
DUCATUS  
PRÆVIA EXPLICATIO.



on modo ex historia undecimi & duodecimi Sæculi, Scriptoribus tam Polonis, quam Hungaris testibus, quibus fides sine temeritate abrogari nequit, verum etiam ex aliis monumentis constat, Reges Hungariæ jam tum & superiore quoque ætate, Regnum Russiæ, aut latiore significato, Mi-

1928.8554



norem, seu Rubram Russiam, cum Primislaviensi Territorio, aliisque eo pertinentibus non exiguis terræ portionibus, præcipue vero amplas duas Provincias Galiciam & Lodomeriam (quæ adhucdum Hungariæ Regum titulis insertæ sunt) legitime possedisse.

Alexander Guagninus in Chorographia Poloniæ Fol. 3. disertè ait: „ Halicia, seu Galicia, est pars Russiæ contigua „ Hungariæ & Transilvaniæ, qua in plures partes divisa, „ Hungaris duæ potissimum cesserunt, Haliciensis nimirum, „ & Vladomiriensis; utraque ab oppido nomen accepit. “

Consentit huic prorsus Michov. apud Pistorium, dum refert: „ Parebat Halicia, seu Galicia, Ducibus Russiæ, qui „ in partes plures divisi, alii Hungarorum, Polonorum alii „ auxilia sequebantur. “

Scriptor Annalium Hildesheimiensium ad Annum 1031. hæc habet: „ Heinricus (Hungaris Emericus) Stephani Regis Filius, Dux Ruizorum (Russorum) in Venatione ab „ apro discissus periit flebiliter mortuus. “

Nota est expeditio bellica, quam circa Annum 1084. S. Ladislaus suscepit, de qua sequentiâ narrat Thuroczius:

„ Post hæc Rex gloriosus invasit Russiam, eo quod „ Cunni per Consilium eorum Hungariam intraverant, cum- „ que vidissent se Rutheni male coarctari, rogaverunt Regis „ Clementiam, & promiserunt Regi fidelitatem in omnibus, „ quos Rex piissimus gratanter accepit. “

Eandem hanc tutelam Colomanus Ladislai Sancti Successor tuebatur, adhærens Swentipolko Duci adversus Davidem, quam ob causam filius ejus, Borisch nomine, ex altera

con-

conjugè de adulterio suspecta natus Dux Haliciæ dictus fuit teste Michovienfi Lib. III. Cap. 15.

Antiquissima hæc Hungariæ Regum Jura plurimis locis confirmantur in Annalibus ab Academia Imperiali Petropoltana editis. Ad Annum 1209. hæc habent: „ Hoc eodem „ Anno Ungari ejecto ex Halicia Duce Vladimero Igorevicio, Romanum Igoreviciû fratreû ejus Ducem constituerunt. “

Ad Annum 1212: „ Halicienses Dominatione Romani Igorevicii non contenti, informati clam de Tyrannide ejus Hungaris, & secum adductis, tam Ducem, quam fratres ejus una cum familia suspendio sustulerunt. “

Ad Annum 1213: „ Rex Hungariæ filium suum in „ Halicia Regem constituit. “

Ad Annum 1218: „ Eodem Anno Ungari ex Halicia ejiciunt Mstislaum Mstislaviciû Nepotem Romani, & „ Filium Regis iterum constituunt. “

Ad Annum 1221. & 1228: „ Mstislaus Mstislavicius restitutus quidem fuit in provinciam, sed Regibus Hungariæ clientelari Jure obnoxius mansit. “ Id quod Coronatio Belæ IV. Hungariæ Regis abunde confirmat, „ In qua „ (ut scribit Keza) Dux Haliciæ vassallitio obsequio Equum „ Regium summa reverentia ducebat. “ Hanc ob subjectionem, teste Bonfinio „ Russi defunctos Reges Hungariæ rafa „ barba lugebant. “

Non parum roboris argumentis ex Annalibus Russicis pro jure Hungariæ petitis accedit ex Epistola Regis Andreæ II. ad Innocentium III. (vide Num. I.) quæ in Annalibus Ec-

cle-



clesiasticis Raynaldi adhuc conservatur ad Annum 1214. & inter alia, quæ subdimus, habet:

„ Noverit igitur Sanctitas Vestra, quod Haliciæ Principes & Populus *nostræ ditioni subiecti* humiliter a nobis postularunt, ut filium nostrum Colomanum ipsis in Regem præficeremus, in unitate & obedientia sacrosanctæ Romanæ Ecclesiæ perseveraturis in posterum, salvo tamen eo, quod fas illis sit, alias a ritu proprio non recedere. “

Reapse dein Colomanus ab Archiepiscopo Strigoniensi Rex Galiciæ unctus, coronatusque est, ut in responso ab Honorio III. ad Andream Regem dato explicatius legere est, quod ex laudatis Annalibus Raynaldi ad Annum 1222. isthic (Num. II.) subijcimus.

Ad ulteriorem jurium confirmationem, quibus Hungaria gaudet, faciunt variæ Epistolæ autographæ Regum antiquiorum, atque Sigilla & insignia, in quibus perpetuo sibi Galiciam, seu Haliciam, Lodomeriamque asserunt. Præcipue autem id præstiteræ sequentes:

Bela III. Ann. 1190. apud Lucium de Regno Dalmatiæ Lib. 3. Cap. 12.

Andreas II. Annis 1211. 1221. 1222.

Bela IV. Ann. 1243. 1257. & 1269.

Ladislaus IV. Ann. 1272. 1277. & 1280.

Andreas III. Ann. 1297. & 1298.

Carolus Robertus Ann. 1304.

Ludovicus I. nondum Rex Poloniæ Ann. 1353.

De postremo, quem diximus, in Chronico Thuroczii Part. 3. Cap. 29. & 30. occurrunt duo memoratu dignissima loca,

loca, quæ ab ipso Regio Secretario, Notario & Capellano Archidiacono Kikulevienti literis commendata sunt, atque ad verbum ita habent:

„ Cæterum contra Lituanos Christianis & maxime *Regno suo Russiæ* insultantes, personaliter cum exercitu copioso & militia sua propria, nec non aliis nationibus ad eum confluentibus, proficiscens, terris ipsorum, seu Tenutis, in magna parte devastatis, Duce eorum capto, sed in continenti sibi promissionem de fidelitate & obedientia faciente liberato, feliciter ad Hungariam est reversus. “

„ Postea bina vice cum valida gente sua etiam extra-neâ, ad *Regnum Russiæ Sacræ Coronæ Hungariæ subiectum* pro defensione ejusdem Regni contra Lituanos est profectus, & fugatis hostibus, ac fretus victoria potentes Viros Petrum Banum primo, nec non Venerabilem in Christo Patrem Dominum Emericum Episcopum Agriensem, ac Georgium Zudar, consequenter fratres ejus, & post hæc Emericum Bebeck, & post eum Joannem de Capol *ad regendum ipsum Regnum Vaivodas seu Capitaneos præfecit*, qui Regnum prædictum bene & laudabiliter defensores *sub titulo Sacræ Coronæ & regimine ejusdem Domini Regis* conservaverunt. “

Postquam autem Regi Ludovico, utpote Casimiri III. Poloniæ Regis ex Sorore Nepoti, fides facta esset de Jure Successionis in Regnum Poloniæ, ex Conventionem inter eundem Casimirum & Patrem Ludovici Carolum Robertum inita, siquidem Casimirus sine Liberis maribus decederet, vicissim Ludovicus, tanquam Hungariæ Rex, eidem Casimiro, datis  
in



in hanc rem peculiaribus cessionis Literis, Regnum Russiæ concessit, hac tamen lege, ut si Casimiro hæres masculus nasceretur, is acceptis centum millibus florenorum Hungaricorum Regno Russiæ iterum sese abdicaret: quod si vero Rex Casimirus diem obiret absque hærede masculo, Regnum quidem Poloniæ ex pacto cederet Ludovico; Russiæ autem Regnum rediret ad Regem Hungariæ, qui tum futurus erat.

Summa capita hujus Ludovici Epistolæ videre licet apud Sommersbergium Script. rerum Siles. Tom. 2. in Mantissa Diplom. pag. 81. quæ is ex quodam Diplomatario Manuscripto Poloniæ collegit, & typis vulgavit, quemadmodum isthic sub (Num. III.) eadem transcripta exhibemus.

Hac eadem Ludovici Epistola adhuc Ann. 1673. in rem suam ipsa utebatur Polonia, ut suo loco inferius patebit.

Ex his a Ludovico constitutis sequitur, mortuo reapse Ann. 1370. Casimiro absque Regni hærede, Regnum Russiæ ex conditione cessionis adjecta Hungariæ tributum denuo, atque a Ludovico jam Poloniæ Coronam adepto redditum fuisse. Ut vero minor natu filia, quæ Vladislao Jagelloni nupta Ann. 1382. Ludovici in Polonia Thronum conscendit, a Patris morte turbis in Hungaria enatis in rem suam usa sit, ut tam Russiam quam Volhyniam armis ab Hungaria avulserit, vel fatentibus scriptoribus Polonis in publicum notum est. Verum quam contra fas omne hæc acta sint, ex manifestis Hungariæ Juribus, quæ modo attulimus, palam est, quibus e sequentibus major adhuc claritas & firmitas accrescet.

Equi-

Equidem erat Hedwigis non minus legitima hæres paterni Sceptri, ac Soror natu major Maria, quemadmodum id promissa univerforum Procerum & Statuum testantur, cum Carolus I. ad Regnum evehebatur, quæ hisce verbis concepta erant:

„ Nos igitur ejusdem Regni bonum statum & commodum ex animo intendentes, diligenti collatione præhabita „ Dominum nostrum Karolum, ac *posteritatem* ejus, prout regalis successio exigit, in Regem Hungariæ, ac naturalem „ Dominum perpetuum suscipimus. “

Quoniam itaque extra dubium est, ex antiquo more & legibus Hungariæ *Posteritatis* nomine intelligi utriusque Sexus Successores, ex hoc uno legitima causa petenda est, cur Maria natu maxima Parenti in Throno successerit, & simul cur post Ludovici obitum, ut ex documentis apud Lucium in Historia Dalmatica pag. 251. discimus, a Dalmatis & Jadrensisibus non modo Elisabethæ relictæ Viduæ, sed etiam utrique Filiae, Mariæ & Hedwigi, juramentum fidelitatis sit præstitum.

Hæc igitur successione Lex Hedwigi Reginæ An. 1390. nihil juris tribuere poterat, quo Russiam minorem & Volhyniam Hungariæ eriperet, utpote vivente adhuc Sorore Maria natu majore, quæ non Patris tantummodo ex voluntate, sed jure etiam primogenitæ, quod apud Hungaros semper obtinuit, paternum Thronum & provinciarum regimen adierat.

Nec plus juris Hedwigi ex morte Reginæ Mariæ, quæ Anno 1392. consecuta est, accessit, quippe cum ea  
B (Ma-



(Maria nempe) a Ludovico velut Regni hæres nuptui tradita fit Sigismundo, qui non tantum a Ludovico legitimus conjugis hæres constitutus, sed etiam a Proceribus & Regni Statibus, quin ab ipsa quoque Hedwige agnitus est in Conventione Anno 1394. facta, in qua idem Sigismundus Rex jus suum ad Poloniæ sceptrum Vladislao Jagelloni Hedwigis Marito cessit, utpote cum ipsa antehac consensu Soceri sui, & Poloniæ Magnatum, Ludovici in eodem regno Successor solemniter ritu declaratus fuisset.

Porro illa, quæ diximus, & alia complura, quibus in jura aliena Hedwigis invaserat, eo maxime agebantur obtentu, quod contra fas omne, quin contra pollicitationes a semet factas, unica hæres, cui paterna corona debita foret, haberi voluerit, uti ex homagio Vladi Palatini Bessarabiæ, quod apud Dogiel. in Cod. Diplom. Polon. Tom. 1. Part. 2. pag. 623. extat, eruitur, ubi inter alia hæc leguntur:

„ Et quia pridem Regnum Hungariæ ad memoratam  
„ Dominam Hedwigem Reginam Poloniæ & hæredem dicti  
„ Regni Hungariæ unicam & superstitem, & consequenter ad  
„ præfatum Dominum Vladislaum Regem conthoralem ipsius,  
„ jure hæreditario esse comperimus devolutum, prout hoc  
„ ipsum in literis dicti Ludovici Regis, & regnicolarum Hungariæ & Poloniæ regnorum prædictorum, super eo confectis intelleximus fuisse & esse conditionatum, ficque etiam  
„ nos, & Dominia nostra, dictis Dominis Vladislao Regi Poloniæ & Hedwigi Reginæ, & regnis eorum Poloniæ & Hungariæ in subditos obligamus. “

At

At enim quam inanis & erronea hæc sese subdendi causa fuerit, & quo commento bono illi Vaivodæ Bessarabiæ Poloni fucum fecerint, ex allatis superius clarum est.

Quin ex opposito constat exemplo memorabili, Mariam Reginam suprema in Russiam potestate, quam jure Hungariæ coronæ obtinebat, adhuc Anno 1385. usam fuisse, dum Joanni Pallugya, ejusque fratribus certa quædam bona in Primislaviensi Territorio, in *suo regno Russia*, ut differte nominat, donavit, quemadmodum e monumento (Num. IV.) adjecto intelligitur, dato eodem anno mandato ad *Capitaneum suum totius Regni Russia Emericum Bebek*, vi cujus subjecta (Num. V.) Statutio, ut dicitur, sive introductio donatariorum, eorumque hæredum in bonorum possessionem consecuta est.

Mariam quoque, ut Hungariæ Reginam, titulis Haliciæ, & Vladomeriæ usam fuisse, palam fit ex ejusdem Decreto in Diæta, sive Regni conventu Anno 1384. facto, quod Corpori Juris Hungarici Tom. 1. pag. 171. quanquam non sine mendis, insertum est.

Tam antiquo scilicet Hungariæ jure nituntur, quæ a Sigismundo Rege instauratæ, nec desertæ unquam fuerunt postulationes, quarum causa conventio (quæ Num. VI. exhibetur) inter eundem Hungariæ, & Vladislaum Jagellonem Reges Anno 1412. confecta est, quæ maxime Russiam & Podoliam concernit. Et sane operæ pretium fecerimus, si, quemadmodum hæc transacta sint, accuratius edoceamus, tum ut eorum, quæ in hac conventionem, aliisque passim literis occurrunt, cum præcedentibus nexus pervideatur clarius, cum etiam ut expedi-



ditior sit refutatio eorum, quæ a Polonis in oppositum afferri possunt.

Extat in hujate Tabulario (ut Num. VII. videre est) ipsum Autographum literarum Regis Vladislai, quibus plenam facit potestatem duodecim illis Prælatiis Polonicis, atque Dominis, seu Officialibus Regni, quorum nomina expressa sunt, ut inde a die Dominico, quo eæ literæ datæ leguntur, ante Divi Martini festum Anni 1411. usque ad ipsum id festum, locis constitutis cum Hungaris in eundem finem delegatis de omnibus controversiis inter utrumque Regem & Regnum motis transigerent, quemadmodum jam inter priores illos, qui ex utraque litigantium parte, Polonis puta, & Hungaris, delecti fuerant, ad diem Martis, qui Dominicam Palmarum proxime elapsi anni præcefferat, conventum est Novæ Villæ. Porro loca designata sunt Polonis quidem actoribus Schramoviczium, Hungaris vero Antiqua Villa.

Itaque in conventionem præviam a duodecim hisce Poloniæ, totidemque Hungariæ deputatis parique potestate instructis, itum est ad diem festum S. Elisabethæ in *Schramovicze*, (uti sub Num. VIII. habetur) qua induciæ potissimum inter utrumque Regem, & Alexandrum Ducem Lithuanie a præsentis die usque ad festum B. Virginis in Coelum Assumptæ prorogantur. Dein vero ulterius decretum, ut interea temporis ad stabilem pacem conficiendam Rex uterque, alter quidem Lubloviam; alter vero Sandecum sese conferrent ad diem sequentem Dominicam Quinquagesimæ, aut si qua alia videretur opportunior, & de congressu inter sese habendo agerent. Quod si vero eo Congressu ad unionem duraturam perveniri haud posset,

set, ut ad festum divorum Philippi & Jacobi denuo delegati Hungari Antiquæ Villæ, Poloni vero Schramoviczii convenirent, atque juxta pacta Novæ Villæ inita omnes discordiæ causas seu ex amica conventionem, seu ex legibus tollerent.

Quamvis autem præviæ hujus conventionis, de qua non modo in allatis paulo ante binis epistolis, sed etiam in ipso Tractatu die 15. Martii signato sermo est, nullum monumentum in hujate Tabulario reperiatur, literæ tamen, quas sua ex parte Hungari dederant (sunt eæ in præsens in Polonorum manibus, & a Dogiel. Cod. Diplom. Polon. Tom. 1. P. 1. tit. Hungaria pag. 42. vulgatæ) de eadem nos plene instruunt. Datæ vero sunt in *Iglavia*, alio nomine, in *Nova Villa feria tertia ante Dominicam Palmarum Anni 1411.* uti dicitur in Literis Regiis Polonicis, quibus delegatis plena agendi, decernendique fit potestas.

Primo autem ejus congressus colloquio agebatur solum de modo, qui in futuris conventibus teneretur; ut scilicet duodeni utrinque plena potestate instructi Commissarii, Hungari Antiquæ Villæ, Schramoviczii Poloni, proximo D. Martini festo convenirent, & dato jurejurando ex formula in epistola præscripta controversias seu amice, seu secundum jura componerent; rebus autem in dubiis sententia arbitri, utriusque partis compromisso delecti starent: tum vero quod viginti quatuor hi legitima potestate præditi decrevissent, ratum esset, atque etiam confirmaretur.

Nomina porro eorum, qui e Polonis congressui aderant, Regiis Literis inserta sunt; qui vero ex Hungaris convenerant, in citata apud Dogiel. epistola exprimuntur; &



tum ex hac, cum e diffusiore illa, quam superius exhibuimus, conventionem intelligitur, in neutro istorum congressuum, qui prævie habiti sunt, quicquam, quod ad rei summam faciat, confectum fuisse.

Hæc secutus est tandem celebris ille inter Hungariæ Regem Sigismundum, & Regem Poloniæ Vladislaum, nec non Magnum Lithuanæ Ducem Witoldum seu Alexandrum, Tractatus, in *Lybllo* 15. die Martii an. 1412. signatus, cuius summa eo fere redit, ut quod ad controversias de *Russia*, *Podolia*, & *Moldavia* motas pertineret, induciæ ad dies vitæ utriusque Regis agerentur, quæ alterutro, superstiti altero, vita decedente, adhuc in quinquennium prorogatae sancte servarentur, Rege interim Poloniæ Russiam, & Podoliam quiete possidente: attamen ut per quinquennium illud, quod ab alterutrius fato laberetur, secundum pacta, in quæ prioribus colloquiis conventum est, de utriusque partis juribus decideretur, uti hæc omnia in ipso Autographo, quemadmodum sequitur, expressa habentur:

„ Verum quia super terris Russiæ, Podoliæ, Molda-  
 „ vie inter ipsum dominum Sigismundum &c. & nos & occa-  
 „ sione earundem inter cetera dissensionis materia vertebatur,  
 „ in facto itaque terre Russiæ inter præfatum Dominum Si-  
 „ gismundum &c. & nos concordatum extitit hoc modo, ut  
 „ vita sibi insimul & nobis comite usque ad diem obitus unius  
 „ ex nobis, quem prius nutu divino exemi contingat ab hu-  
 „ manis, inter ipsum Dominum Sigismundum Regem &c.  
 „ nos, & Dominum Alexandrum prædictum pacis & Treu-  
 „ garum federa habeantur & inconcussa observentur modo in-  
 „ fra-

„ frascripto, quibus Treugis durantibus terram Russiæ prout  
 „ tenemus pacifice tenebimus sine impedimento prædicti Do-  
 „ mini Sigismundi Regis &c. & regnorum ac subditorum ipsius  
 „ aliquali, in terra vero Podoliæ idem Dominus Sigismun-  
 „ dus Rex &c. tam per se, quam per suos subditos promi-  
 „ sit nos non impedire, neque alicui ad illam impediendam  
 „ consilium, favorem, vel auxilium præstare Treugis du-  
 „ rantibus infrascriptis. Item in casu quo nos eundem Re-  
 „ gem Vladislaum &c. memorato Domino Sigismundo Re-  
 „ ge &c. fratre nostro vocatione divina premori contingat,  
 „ extunc post obitum nostrum prædictæ Treuge infra quinque  
 „ annos immediate sequentes debent perdurare, & e conver-  
 „ so si prædictum Dominum Sigismundum Regem &c. prius  
 „ nobis decedere acciderit, federa huiusmodi Treugarum si-  
 „ militer infra quinquennium inter Hungariæ & Poloniæ regna  
 „ post ejus decessum debent firmiter observari, & infra præ-  
 „ dictos quinque annos Treugarum videatur de justitia & jure  
 „ partium secundum seriem & continentias literarum alias per  
 „ Prelatos & Barones utriusque regni Hungariæ videlicet &  
 „ Poloniæ primum in Iglavia alio nomine Novavilla, & alte-  
 „ ra vice in Antiqua Villa confectarum, quarum contenta ha-  
 „ bentes hic pro sufficienter insertis quoad hoc in suo robore  
 „ volumus permanere. “

Quæ tum de Moldavia constituta sunt, ad rem præsen-  
 tem directe haud faciunt, nec aliud quid observatu dignum  
 occurrit, nisi Magnum Lithuanæ Ducem Witoldum Tracta-  
 tui præsentem non adfuisse quidem, attamen septimanis ali-  
 quot post eundem confirmasse Anno 1412., ut testatur Apo-  
 gra-



graphum literarum factum Anno 1454. cum nota feriæ sextæ post conductum Paschæ, sive diei 22. Aprilis, quod in tabulario hujate servatur.

Tota hæc tractatio tum in sese spectata, tum etiam si prævios binos congressus attendamus, agebatur per primos Ecclesiasticos & Seculares Magnates, & regni Administros Poloniæ, & quinquaginta eorum Anno 1412. statutis nomina sua, velut præsentis, subscripserunt, adjectis etiam præter Regium Sigillis propriis. Quare tanta omnia solemnitate & maturo peracta sunt consilio, ut incredibilis pene videri debeat non nullorum Polonorum scriptorum impudentia, qui Regis sui ignorationi & errori tribuunt, quod postulationem Hungariæ Regis Sigismundi, & titulos, quibus Russiam & Podoliam sibi vendicare nitebatur, legitimos agnoverit. Minime vero concipi potest, qui, de quo toties mentio recurrit, ausus sit P. Dogiel. cui verus rerum status ex monumentis ipsis notus esse debuit, in quadam annotatione ad Tractatum A. 1412. Regem Vladislaum tanquam hominem simplicem, credulum, & jurium sui Regni penitus inscium depingere, qui se se induci passus sit a Rege Sigismundo homine astuto & vafri ingenii, ut eidem contra æquum & fas quidpiam juris in prædictas provincias concederet. Quin ut veri forte speciem iis conciliaret, quæ de Vladislai imperitia dixerat, eo prolapsus est Dogiel. ut eundem tanquam Regem novitium, & velut recens ad thronum evectum haberi velit (*non ita pridem electus*) cum tamen jam Anno 1386. Regno admotus fuerit, adeoque cum finis Tractatui illi imponeretur, 26. annis Sceptrum gesserit. Neque ad animum

revo-

revocavit Dogiel. iis, quæ non sine contumelia adversus Regem diceret, honorem quoque tot Magnatum, qui in conventu præsentis aderant, peti; cum inde confici necesse foret, eadem omnes illos quinquaginta Proceres simplicitate, credendi facilitate, atque imperitia, ac Regem laborasse, qui sibi fucum in tanti momenti negotio fieri tam turpiter passi sint.

Verum sunt alia argumenta, quæ ostendunt, Polonos de Tractatu illo tanta cum deliberatione facto tum quidem longe aliter sensit, atque non modo pro Hungaris æquum, sed etiam sibi proficuum judicasse. Hinc nempe tribus post annis postulabant a Rege Sigismundo, ut jusjurandum, quod ex Conventis in literis Lublii 16. Maji A. 1412. datis jam præstiterat, novis ad id *Constantiæ* 20. Aprilis A. 1415. expeditis, atque Regio Sigillo (quod interea temporis elaborabatur) appenso renovaret, uti id se facturum in prioribus literis promiserat. Utrumque hoc monumentum apud Dogielium ipsum loco citato pag. 49. & seqq. reperire est.

Præterea idem Tractatus Anni 1412. post undecim annos ad *Kezmark* feria tertia post Dominicam Palmarum A. 1423. denuo cum omni solenni ceremonia confirmatus est, magno numero Poloniæ Magnatibus præsentibus, cui rei occasionem aliæ forte exortæ lites, & turbæ quidpiam dederunt, ne quid per eas adversus ipsum pacis foedus eveniret. Legere hæc pluribus licet in literis Regis Vladislai Poloniæ, & Alexandri Magni Ducis Lithuaniae, quas ex autographo desumptas subjicimus sub (Num. IX.) Qua in re id adhuc observatu dignum, in ternis literis a Rege Sigismundo Annis 1412. & 1415. redditis, eundem Galiciæ & Lodomeriæ titulis usum fuisse.

C

In



In Tractatu Anni 1412. præfixus induciis alterutrius Regis obitus dies, Anno 1434. advenit, cum Vladislaus Jagello Polonus vita & Regno discessit, perdurante proinde adhuc in quinquennium subsequens, sive usque ad An. 1439. armorum cessatione. Interea Sigismundus Imperator, & Hungariæ ac Bohemiæ Rex Annum 1437. supremum habuit. Albertus quoque Rex, ejusdem Successor & Gener non ultra dictum induciarum terminum, seu An. 1439. vitam protraxit, ut adeo tam brevi temporis intervallo, quo præterea cum Vladislao III. Poloniæ Rege defuncti Jagellonis filio, de successione in Bohemiæ Regnum armis decertandum erat, ut vix tandem pax conciliata fuerit, ut, inquam, tam brevi tempore nihil de iis cum Polonis, quæ Hungariæ jura concernebant, agere, multo minus transigere potuerit.

At vero cum sequente Anno 1440. a quibusdam infensis Elisabethæ viduæ Proceribus, ne quidem expectata prolis posthumæ nativitate, eidem Regina Vladislaus III. Poloniæ Rex opponeretur, is delegatis ad se Hungaris, qui electionem nunciarent, literas in *Civitate Cracoviensi* 8. Martii eodem Anno 1440. signatas tradidit (uti Num. X. transcriptæ habentur) quibus Hungariæ Status in fidem receptos securos esse jubet, atque iisdem inter alia promissa, quæ etiam gratuitam Comitatus Cepusiensis hypothecæ nomine adhuc possessi restitutionem concernebant, declarat præcipue, sese daturum operam, ut quidquid Hungarici esset juris, & a quocunque illi Regno ereptum, denuo redderetur, illo signanter addito, provincias Russiæ & Podoliæ quidem, ut hætenus in Polonorum perstituras potestate, quin tamen id Hungariæ frau-

fraudi esset, donec indicto, cum Regi opportunum fuerit, inter Status utriusque Regni conventu, definiretur, utra ex parte jus in illas Provincias staret. Quo in negotio cum disertis verbis Vladislaus superiores tractatus & literas respexerit, eorum legitimum valorem etiam, ut Poloniæ Rex agnovit, instauravit, confirmavitque.

Porro literarum harum Autographum eam ob causam nunquam in Hungarorum manus pervenit, quod Elisabetha Regina, quæ interea 22. Februarii An. 1440. Ladislaum Posthumum in lucem edidit, e Polonia reversos Legatos Hungaros in via intercipi, iisdemque, quidquid literarum attulissent, eripi jusserit, ut adeo eæ literæ post Regina mortem Anno 1443. consecutam a Friderico Imperatore, ac Ladislai Regis tutore asservatæ fuerint.

Cum tandem Ladislaus hic An. 1453. regnum adiisset, videtur quidem, actum fuisse ab Hungaris, ut antiquæ eorum postulationes effectum sortirentur, quippe cum non pauca documenta sub Annum 1454. transcripta in hujate Tabulario reperiantur, in quibus variæ huc pertinentes epistolæ inde a Regis Sigismundi ætate occurrunt. At omnia incassum cecidisse, inde conficitur, quod sub Mathia Corvino Hungariæ Rege lis de Russia, Podolia, & Moldavia resuscitata fuerit, ut Polonicus Scriptor Dlugossus Hist. Pol. Lib. 13. ipse testatur, dum narrat, a Casimiro IV. tum regnum obtinente constitutum fuisse congressum locis alias designatis, pro Polonis, Schramoviczii, Novæ Villæ pro Hungaris ad festum Natæ B. Virginis, ut tandem controversiæ, quæ cum Hungaris intercederent, dirimerentur. Et a Casimiro quidem reapse



Confiliarios (quorum novem tum Ecclesiasticorum, tum Secularium nomina recenset Dlugoffus) missos fuisse, qui Neofandeci Hungarorum adventum opperiebantur; at Mathiam Regem, quod ad eum diem bello Turcico impediretur, non modo Casimiro, sed delegatis etiam significasse literis, atque aliud Congressui tempus ad festum D. Martini proposuisse, quod tamen a Casimiro acceptatum non est. Mirum vero id haud fuit, quando non erat, quod per eam moram perderent Poloni; quia potius tranquillam sibi controversarum Provinciarum possessionem prorogabant.

In nova pacificatione inter Mathiam Hungariae & Casimirum Poloniae Reges An. 1479. quae in Codic. Diplom. Pol. pag. 77. impressa habetur, conclusum est, ut delecti utrinque Praelati & Proceres rerum gerendarum, & juris gnari, adhibitis etiam doctis viris, circa imminens D. Martini festum consuetis locis denuo convenirent, atque causas, quae inter utrumque Regem, Regnumque agitarentur, discuterent, ut iis compositis pax firma consisteret, neque esset, quod sine decisione, & in medio relictum deinceps, serius aut citius, disceptationis, ac dissensionis materiam praebere. At num haec executioni data, multo minus, an de quopiam tractatum sit, haud constat.

Argumentum praecipuum, quo Poloni indubitatis Hungariae Juribus robur omne adimi, existimant, procul dubio e nota illa *Pacificatione Bithomiensi & Bendzinensi* Anni 1589. petitur, cujus capita, quae ad rei summam pertinent, isthic sub (Num. XI.) adjicimus. Vi hujus transactionis jam prius hypothecarium jus in tredecim illas Cepusii civitates Po-

loni

loni in plenum dominium, & jus perenale convertere conati sunt; nunc ex eadem etiam renunciationem omnium jurium in Russiam &c. quae ab Hungariae Regno facta fuerit, extendere volunt. En locum illum ad verbum, qui renunciationem, quam ajunt, exhibeat:

„ Quibus quidem rebus cum pristina amicitia, atque  
 „ benevolentia integre conciliata, restituta ac redintegrata  
 „ utrinque esse debeat, promittimus . . . . spondemusque:  
 „ Nos quidem suprascripti Caesareae Majestatis, & universae  
 „ Serenissimae Domus Austriacae Commissarii, cum commemora-  
 „ tae Caesareae Majestatis, ceterorumque Serenissimo-  
 „ rum Austriacorum Principum omnium, tum maxime Sere-  
 „ nissimi Maximiliani Archiducis nomine, nullam Superiorum  
 „ dissensionum offensionem Majestatem, Serenitatesque Suas  
 „ retenturas, eandem nullo unquam tempore renovaturas,  
 „ constantem autem posthac, & sinceram cum Regia Maje-  
 „ state Poloniae, ordinibusque amicitiam, & benevolentiam  
 „ conservaturas, *neque vi aut armis, vel per se vel per sub-*  
 „ *missas personas quocunque tempore, vel quacunque ex causa,*  
 „ *colore seu praetextu Regnum Poloniae, Magnum Ducatum*  
 „ *Litvaniae, Russiam, Prussiam, Masoviam, Samogitiam,*  
 „ *Livoniam, ceterasque Ditiones vel arces, oppida, villas,*  
 „ *hominesve Serenissimi Poloniae Regis . . . . infestaturas,*  
 „ *vim aut injuriam ullam illaturas.* “

At si ad genuinas verum sensum explicandi regulas tum locus iste, tum tota ea tractatio expendatur, ad evidentiam usque patebit, nunquam in animo fuisse Augustae Domui, Suo & praecipue Hungaricae Coronae tam antiquo in Russiam &



Podoliam juri renunciare, neque etiam id tum Aulæ Poloniæ, ut peteret, in mentem venisse. Quod quidem dictum sequentes animadversiones, & consideratio, quæ tum fuerint rerum conditiones, extra omne dubium collocabunt.

Post mortem Regis Stephani Bathorii discordibus ac in duas factiones scissis suffragiis duplex designabatur Rex, & nona quidem Augusti ab altera eligentium parte Sueciæ Princeps Sigismundus nominabatur, triduo vero post Archidux Maximilianus ab altera. Uterque Coronæ æmulus jus suum armis tuebatur. Verum sequente anno inimica fortuna usus Maximilianus ad Picinam in Silesia a Duce adversæ partis & Poloniæ Cancellario Zamoisio cæsus, captusque est. Quare eo res suas videbat devolutas, ut recuperandæ libertatis causa in Pacificatione, Apostolicæ Sedis interventu, ejusdemque Nuncii Cardinalis Aldobrandini, se inter, Augustamque Domum, atque Victorem Sigismundum Poloniæ Regem die 19. Martii An. 1589. inita, jus omne ad Poloniæ sceptrum a se abdicare cogeretur.

Dederat itaque Tractatui huic occasionem duorum Regum electio, & subsecuta sinistro belli casu Maximiliani captivitas, scopus vero, ad quem collimabant omnia, erat juris in Poloniæ coronam renunciatio, quemadmodum id diserte declarant ipsa Pacificationis verba:

„ Cum autem omnis hæc superioris temporis dissensio  
 „ ex nominatione, juribus & institutis Regni Poloniæ minus  
 „ consentanea Serenissimi Principis & Domini Domini Maxi-  
 „ miliani Dei gratia Archiducis Austriæ Ducis Burgundiæ &c.  
 „ in primis comitiis electionis Varsoviæ habitis a quibusdam  
 „ pro-

„ proposita emanarit, cum iis, quæ supra commemoratæ  
 „ sunt, tum aliis causis ad Reipublicæ Christianæ universæ  
 „ salutem, & tranquillitatem pertinentibus, convenit, con-  
 „ clusumque inter nos est, ut quo & præterita dissensio, &  
 „ futuræ causa, materiaque omnis tollatur, commemorato  
 „ titulo & jure, quod quocunque modo pervenisse ad se inde  
 „ arbitratus fuit, idem Serenissimus Archidux Maximilianus  
 „ cum alias memoratas ob causas, tum ob communis Reipu-  
 „ blicæ Christianæ, ut ostensum est, quietem & incolumi-  
 „ tatem abstineat, & nunquam imposterum utatur. Præter  
 „ eum vero Cæsarea Majestas etiam, cæterique Serenissimi  
 „ Archiduces nullam unquam controversiam vel hac, vel alia  
 „ quacunque causa, colore, seu prætextu vel Serenissimo  
 „ Principi ac Domino Domino Sigismundo III. præsentī Regi  
 „ Poloniæ, vel etiam, si, quod Deus avertat, morte ejus Re-  
 „ gnum vacare contingeret, eidem Regno eundem Serenissi-  
 „ mum Maximilianum, vel quemcunque alium, quocunque  
 „ tempore, per se, vel per alios relaturum, aut suscitaturum,  
 „ neque id facienti consilium, auxilium, transitum, seu favorem  
 „ quemcunque in eam rem se præbituros præstiturosque spon-  
 „ deant, ac promittant. “

Summam rei, & caput totius tractatus in una ea renun-  
 ciatione Coronæ Polonicæ esse, ulterius conficitur ex ejusdem  
 Synopsi, a Dumontio Corpori Diplomatico Tom. V. Part. I.  
 pag. 458. inserta cum sequente animadversione: *Quoique ce ne  
 soit &c.* „ Quamvis hæc non nisi Synopsis quædam sit, attā-  
 „ men eodem fere, quo Autographum, loco habenda est, ut  
 „ pote cum Auctor, ex quo in epitomen hæc collecta sunt,  
 „ fue-



„ fuerit unus e Ministris, qui Imperatoris & Archiducis nomine transegerunt, & Tractatum signarunt. “

Idem prorsus elucet e verbis, quibus summa tractatus capita ipse Dogielius in Cod. suo Diplomati. indicat: „ Tractatus, inquit, pacis inter Rudolphum II. Imperatorem, Hungariæ Bohemiæque Regem, & Maximilianum Archiducem, universamque Domum Austriæ ab una, & Sigismundum III. Regem atque Ordines Regni Poloniæ & Magni Ducatus Lituaniæ parte ab altera per Commissarios utrinque cum plena potestate delegatos conclusus, *quo Maximilianus inani paucorum studio in Regem Poloniæ electus prætenso jure in hoc Regnum cedit, ac titulo Regis Poloniæ se abdicat.* “

Atque hinc est, quod generali stipulationi, quæ hisce verbis facta erat: *Se nullam unquam controversiam Sigismundo, vel etiam si morte ejus Regnum vacare contingeret, eidem Regno suscitaturos*, uberius confirmationis, atque explanationis causa adjecta sint promissa: *Nullam superiorum dissensionum offensionem Majestatem, Serenitatesque Suas retenturas.* Atque inde etiam *ex capite harum superiorum dissensionum* neque vi aut armis Regnum Poloniæ, Magnum Ducatum Lituaniæ, Russiam, Prussiam, cæterasque ditiones Serenissimi Poloniæ Regis . . . infestaturas.

Ex quo sane evidens fit, in tractatu illo unice actum fuisse de *renunciatione illius Tituli & juris, quod quocunque modo pervenisse ad Se* INDE (ex ancipite nempe electione) *arbitratus fuit Maximilianus Archidux.* Et quoniam jus illud ad universum Poloniæ Regnum, Magnumque Lituaniæ Ducatum

por-

porrigebatur, prorsus præsentis rerum conditioni congruebat Maximiliani, Augustæque Domus promissum, quo fidem dabant, quod Poloniam, Lituaniam, cæterasque provincias, quæ tum sub ditione Poloniæ erant, atque superius enumerabantur, vi & armis invadere nolint.

Quodsi Polonia contendisset obtinere abdicationem peculiarium jurium Coronæ Hungariæ innexorum, omnino necessum fuisset, ut hanc ipsam renunciationem, & ea omnia nominatim exprimeret, quæ ea cessione petebantur. Et tum sane haud fuisset, cur Poloniæ, Prussiæ, Massoviæ, Samogitiæ, Livoniæ mentio fieret, addereturque: *Cæterisque ditionibus, vel arcibus, oppidis, villis, hominibusque Serenissimi Poloniæ Regis;* cum hæc fuerint ejusmodi, quæ Hungaria nunquam vel sibi depoposcit, vel jure deposcere potuit.

Ad hæc contrahentium capita, si rem, ut est, spectemus, erant Maximilianus Archidux, & Rex Poloniæ Sigismundus. Rudolphus II. Imperator, ac reliqui Archiduces, verius nil nisi fidem præstabant, atque auctores erant. Qua igitur ratione Polonis in mentem venire poterat, ut a Maximiliano Archiduce, cum quo reapse contractum inierant, jura sibi, quæ Hungaris erant peculiaribus, cedi poscerent, dum non Maximilianus, sed Rudolphus Hungarorum Rex erat, ad quos nihil seu de controversa illa electione, seu quæ inde consecuta sunt, pertinebat ullo modo, uti ex ipso Tractatu patet, in quo disertè dicitur: *Castrum Lubloviæ INJUSSU CÆSARÆ MAJESTATIS, AC PRÆTER VOLUNTATEM EJUS fuisse occupatum.*



Neutram transigentium partem de abdicatione juris Hungariæ proprii cogitasse, & tantummodo renunciationem illius spectasse, quod ex dubia electione Maximilianus Archidux sibi vindicare potuisset, manifestissime elucet ex promissione, quam Sua ex parte Rex Sigismundus Imperatori, & toti Augustæ Domui vicissim fecit, quæ cum ea, quam Archidux Maximilianus Suo Suorumque nomine præstitit, & nos magnam partem retulimus, ad verbum pene, si pauca mutet, congruit, uti ex collatis inter sese binis locis isthic subiectis patet:

#### PROMISSIO DOMUS AUSTRIACÆ.

„ Promittimus, spondemusque Nos quidem superscripti  
 „ Cæsareæ Majestatis, & universæ Domus Austriacæ Commissarii cum commemoratæ Cæsareæ Majestatis, cæterorumque Serenissimorum Austriacorum Principum omnium, tum *maxime* Serenissimi Maximiliani Archiducis nomine, nullam superiorum dissensionum offensionem Majestatem, Serenitatesque Suas retenturas, eandem nullo unquam tempore renovaturas, constantem autem posthac & sinceram cum Regia Majestate Poloniæ, Ordinibusque amicitiam, & benevolentiam conservaturas, neque vi aut armis vel per Se, vel per submissas personas quocunque tempore, vel quacunque ex causa, colore, seu prætextu Regnum Poloniæ, Magnum Ducatum Lituaniæ, Russiam, Prussiam, Maffoviam, Samogitiam, Livoniam, cæterasque ditiones, vel arces, oppida, villas, hominesve Serenissimi Poloniæ Regis,

„ gis, aut propinquorum Sociorum vel adhærentium ipsius  
 „ infestaturas, factiones, aut partes ullas contra easdem forturas alturasve, ab iisdem proscriptos aut exules recepturas habiturasve, neque aliis id facientibus ullum consilium, auxilium, transitum, aut quemcunque denique favorem accommodaturas. “

#### PROMISSIO POLONIÆ.

„ Similiter vero Nos Serenissimi Poloniæ Regis superscripti  
 „ Commissarii ejusdem Majestatis Suæ Ordinumque ejus nomine vicissim recipimus, promittimus, spondemusque, nullo unquam tempore eorum, quæ ante quocunque modo intercesserunt, offensionem Serenissimum Poloniæ Regem, aut Ordines retenturos, eandem per quamcunque occasionem renovaturos, sed constantem posthac & sinceram cum Cæsareæ Majestate, universaque Serenissima Domo Austriaca, in eaque Serenissimo etiam Archiduce Maximiliano, regnisque, ditionibus, & Ordinibus eorundem amicitiam & benevolentiam conservaturos, neque ipsam Majestatem Suam Ordinesque, seu homines ejus quoscunque vi aut armis per se vel per submissas personas quocunque tempore, vel quacunque ex causa, colore, seu prætextu Regna Hungariæ vel Bohemiæ, Austriam, Moraviam, Silesiam, vel quæcunque alia commemoratorum Principum Dominia, ditiones, arces, oppida, villas, vel homines aut propinquorum sociorum vel adhærentium ipsorum infestaturos, vim aut injuriam ullam iisdem allaturos, factiones, seu



„ partes ullas contra eosdem, & in iisdem futuros alturos-  
 „ ve, ab iisdem proscriptos aut exules recepturos habituros-  
 „ ve, neque aliis id facientibus ullum consilium, auxilium, tran-  
 „ situm, aut quemcunque denique favorem accomodatu-  
 „ ros. “

Hæc inter sese rite collata palam faciunt, in promissis ab Austriacis præstitis ne quidem de renunciatione *juris alicujus particularis* cogitatum fuisse, utpote cum alias sequeretur, sponsione a Polonia vicissim facta itidem debuisse decedi ab jure quopiam in terras Austriacas; quod quidem quam absurdum sit, nemo non videt, quando constat apud omnes, nullo nomine Regnum Poloniæ sibi quicquam earum provinciarum arrogare potuisse.

Multo adhuc clarius intelligitur, verum hunc fuisse sensum, atque paciscentium Scopum, & Polonos non minus quam Austriacos, spectasse tantummodo electionem illam litigiosam, totamque Conventionem potissimum ad Archiducem Maximilianum pertinuisse, multo inquam, hæc luculentius patebunt, si ad ea, quæ mox consecuta sunt, adhibeatur animus.

Pacificatione Bithomienfi & Bendzinensi nona Martii An. 1589. confecta ac subscripta, semestri tantummodo abiit temporis intervallum, cum 26. Maji a Rudolpho Cæsare & Sigismundo Rege alius initus est Tractatus, quo, ut eum recenset Pater Dogiel. *priora pacta & fœdera inter Domum Austriæ ac Reges & Regnum Poloniæ inita renovantur, instaurantur, & confirmantur.*

Nisi igitur Pacificatio Bithomienfis particularem eum Scopum sibi præfixisset, & ad Maximilianum Archiducem pertinisset præcipue, sane supervacaneum fuisset, ut duobus post  
 men-

mensibus instauraretur primarius ille inter Rudolphum Imperatorem ac Sigismundum Regem Tractatus, subsecutis inde temporibus, toties Reges inter Hungariæ Poloniæque, & iisdem pene verbis repetitus.

Nullo itaque verbo in Tractatibus hisce mentio renunciationis alicujus fit, qua Hungaria a sese juris quidpiam remitteret; verum in omnibus semper respicitur ad *Pactorum & fœderum literas, quæ inter nostras Austriæ & Jagelloniæ Domum, quæque inter utriusque Domus Regna, imperia, provincias & nationes intercesserunt.* Cum igitur inter pacta ab Austriaca & Jagelloniæ Domo inita Tractatus Anni 1412. a Sigismundo Imperatore, & Rege Vladislao Fundatore Jagelloniæ domus, signatus & primus sit, & momenti maximi; per sese sequitur, eundem in omnibus deinceps conventionibus, quæ *Pacta inter Austriæ & Domum Jagelloniæ* respiciunt, ipso facto legitimum fuisse agnitum, atque confirmatum.

At si demus etiam (quamvis oppositum liquido demonstraverimus) Rudolphum Cæsarem in Pacificatione Anni 1589. de juribus coronæ Hungariæ in Russiam & Podoliam reapse decessisse, foret tamen hæc cessio secundum jura omnia sine ullo effectu & fructu. Nam licet peculiaribus literis promiserit: „ Se curaturum, ut Regni Hungariæ Ordinum „ nomine deputati, & sufficienti mandato in eam rem instructi „ Proceres, in proximis illius Regni comitiis . . . Jura- „ mentum juxta formulam in jam commemorata transactione „ Ordinibus præscriptam præstent, utque juramenti literæ, „ & instrumentum subscriptum, sigillisque Procerum munitum dicto Poloniæ Regi mittatur . . . “



Hæc inquam, licet addixerit, haud tamen eidem licuit promissorum fidem exsolvere, cum Hungariæ Ordines eo nunquam permoveri potuerint; quemadmodum in subsecutis dein Comitibus Anno 1593. nec vestigium reperire est, ex quo colligi posset, Hungaros ad jusjurandum illud præstandum adductos fuisse. Quin potius Decretum 7. Anni 1596. Postulata Ordinum exhibet: „ Ut juxta *continentias publicarum Constitutionum* differentiae inter Hungariam & Poloniam ac tredecim Oppida ratione metarum, violentiarumque, & damnorum revideantur, & rectificentur: qua de re Sua Majestas dignetur Serenissimo Regi Poloniae scribere, quia Poloni indies magis magisque inolescunt. “ Quæ Postulationes & querimoniae in sequentibus deinceps Comitibus sæpe admodum iteratae sunt. Porro notum est, Regis ac Imperatoris Rudolphi tempore Hungariæ Regnum electionis jure usum fuisse, ac propterea minime fas fuisse Regi, quin id ab Ordinibus ratum habeatur, tanti momenti jure in Russiam Rubram & Podoliam coronam exuere, quando in formula, ex qua in Coronatione jusjurandum dicitur, disertè notatur: *Ne quid a Regno abalienetur*; ut adeo Rudolphi, siquidem titulo illi renunciasset, quod tamen factum non est, non alia fuisset Conditio, quam de qua in Decretalibus Tit. de Jurejurando cap. 33. agitur, atque in hunc modum deciditur:

„ Si positus in dignitate alienat bona dignitatis, non valet alienatio, & ipse revocare debet, non obstante juramento de non revocando; maxime, si prius jurat non alienare. „ Honorius III. Colloczenfi Archiepiscopo, & ejus Suffraganeis Anno 1220. Intellecto jam dudum, quod carissimus

in

„ in Christo Filius noster Hungariæ Rex illustris alienationes quasdam fecerit in præjudicium regni sui & contra regis honorem: nos eidem regi dirigimus scripta nostra, ut alienationes prædictas, non obstante juramento, si quod fecit, de non revocandis eisdem, studeat revocare, quia cum teneatur, & in sua Coronatione juraverit, jura regni sui, & honorem Coronæ illibata servare, illicitum profecto fuit, si præstitit de non revocandis alienationibus hujusmodi juramentum, & propterea penitus non servandum. “

Quam autem ne quidem conjecturae locus sit, quasi Ordines Hungariæ in abdicationem juris, quod cum Coronæ emolumentis tam arcte connexum erat, consenserint, ex Historia Regni Hungariæ Vice Palatini Isthuanfii elucet, qui ipse inter delegatos memoratae Pacificationi intererat, dum ad locum, in quo de restituenda Lublovia sermo est, expresse addit: *Quod ne cui præjudicio Juribus regni Hungariæ foret, legati Hungari apud Collegas cautum esse voluerunt*; quanquam ea cautione opus haud fuerit, ut tantummodo majoris securitatis causa adhibita videri possit, cum Tractatus ille Hungariæ juri proprietatis in tredecim Cepusiensia oppida nulli fraudi esse potuerit, quemadmodum alias manifeste ostensum est.

Quæ cum ita sint, patet sane, adeo nunquam de antiquissimis Hungariæ Postulationibus quicquam remissum esse, ut potius omni studio illæsa, ac integræ sint semper conservatae. Et quamvis per internas partim turbas, partim per bella externa, aliaque obstacula nunquam effectum sortitæ sint, nihilominus in omnibus Tractatibus inde a sesquitercio Sæculo & quod excurrit, inter duo hæc Regna habitis cautum est,

ut



ut tum antiquæ illæ controversiæ, tum quæ recentius enatæ erant, eum in modum aliquando componerentur, in quem prioribus illis congressibus conventum fuerat; atque id verbis iisdem fere, consimilibusque conditionibus, quemadmodum commonstrant Transactiones sub Rege Ferdinando I. An. 1549, Rudolpho II. An. 1589, Mathia An. 1613, Ferdinando II. An. 1621. & 1633., Leopoldo An. 1677.

Non minore evidentia evincitur tum e copiosis Sigillis & Autographis, quæ in hujate Tabulario asservantur, tum etiam e Decretis Regum Hungariæ Corpori Juris Hungarici insertis, nominatim quidem Mathiæ Corvini ad An. 1464., & 1486., Vladislai II. ad An. 1492, 1495, 1498, 1500, 1503, 1504, 1506 & 1514. Ludovici II. ad An. 1522., Ferdinandi I. ad An. 1560. & ex novo ab An. 1769. Sigillo majore Hungariæ nunc regnantis Cæsareæ Regiæ Apostolicæ Majestatis, ex his, inquam, non minore evidentia constat, posteros Reges, ac Hungariæ Dominos Majorum Suorum (de quibus ab initio dicebamus) exemplo, *Galiciæ & Lodomeriæ* Titulos perpetuo adhibuisse, & quod sequitur, jus suum semper conservavisse.

Cæterum Leopoldi Imperatoris tempore evenit quidpiam, quod, etsi per sese ad rem præsentem non sit, silentio tamen præteriri haud debet, quod ipsorum Polonorum agnitionem Juris Regni Hungariæ in Russiam & Podoliam contineat; Extant nempe in Epist. Histor. Famil. Tom. 1. ad An. 1673. pag. 469. Andreæ Zalufii literæ ab Olszowskio, qui Vice-Cancellarii munere tum apud Polonosungebatur, ad Opaczkiū Supremum Regni Cancellarium scriptæ, quibus, ut in subjecto sub ( Num. XII. ) exemplari videri potest, eidem

dem significat, Cæsareum ad Aulam Polonicam Legatum (erat is D. L. B. de Stom) Regi porrexisse Scriptum, quo de redimendis Cepusiensibus tredecim civitatibus pignori olim datis agebatur; & fatetur quidem, sibi haud in promptu esse, quid responderi oporteat; censet tamen, quidquid id sit negotii, totum cessione quapiam, quam obtendit, dudum compositum fuisse: tum vero hæc memoratu prorsus digna subjungit: Secus si res haberet, Imperatori etiam id juris tribui oportere, ut persolutis 100. millibus florenorum Russiam & Podoliam sibi vindicare possit, uti initi cum Rege Ludovico contractus exigunt. Consentit, quod ad rei Summam, hisce literis Epistola ab ipso Legato B. de Stom ad Imperatorem Anno 1673. data, quæ adhucdum auctoris manu scripta exstat, in qua refert, se, quod ad petitam pignoris Cepusiensis redemptionem pertinet, inter alia a Vice-Cancellario responsum tulisse, non oportere hanc restitutionis januam per Cepusiensia Oppida referari, quippe cum id exemplo esse posset Suxæ Majestati Cæsareæ similis Postulationis in Russiam cum  *suis appertinentiis* , quæ pari modo ante aliquot Sæcula Reipublicæ Polonicæ ab Hungaris pro 100. millibus florenorum oppignorata sit.

Hac Poloniæ Vice-Cancellarii Epistola confirmatur, quod superius ex Epitome Sommersbergiana de Conventionione inter Reges Ludovicum I. & Casimirum III. ad Annum 1352. adduximus. In Epitome quidem illa de  *Regno Russiæ*  tantum mentio fit; at Vice-Cancellarius una Podoliam comprehendit, quod etiam verbis illis  *cum suis appertinentiis*  D. B. de Stom fecisse vero est simile. Summa pecuniaria 100. florenorum millium eadem utrobivis ponitur, quæ a Vice-Cancel-



cellario velut redimendæ hypothecæ causa solvenda primum spectatur; verum ex conventis cum Ludovico pactis Regnum Ruffiæ a Cafimiri morte gratis Hungariæ reddi debuerat, utpote cum Cafimiro sine hærede mafculo decedente nunquam conditio impleta fuerit, cui 100. millium florenorum perfolutio erat illigata.

Dum itaque Vice-Cancellarius mira prorfus ratiocinandi methodo, & nescio ad cujus Logices leges Jus *A.* extinctum demonstrare conatur, quod fecus Jus *B.* valorem suum & firmitatem obtinere deberet, reipfa æquitatem nostrarum Postulationum agnovit, confirmavitque.

Non minus aperta & extra controversiam sunt jura Coronæ Bohemicæ, quæ sibi in utrumque Principatum Oswicenfem & Zatorienfem vendicat.

Ducatus Oswicenfis cum annexo tum Zatorienfi jam Anno 1179. a Poloniæ Rege Cafimiro II. Miecislao Duci superioris Silefiæ & Teschinæ debitæ compensationis causa jure proprietario traditus est, ejusque Ducatui unitus. Rei gestæ feriem, rationesque particulares isthic adducere (præterquam quod res in longum abiret) necesse non est, quando hæc omnia cum a Germanis, tum a Polonis, antiquioribus æque, ac recentioribus scriptoribus accurate pertractata sunt, de quibus Sommersbergius Tom. I. Script. rerum Silef. Access. ad Tab. Geneal. I. pag. 301. & 305. nec non ad Tab. VI. pag. 673. consuli potest.

Quæ sequentibus dein temporibus, si Poloniam & Silefiam spectes, gesta sunt, tandem exeunte decimo tertio, & labente decimo quarto Sæculo, Silefiæ Ducatus, & Principatus,

ea-

eatenus Regno illi obnoxios penitus inde sejunxerunt, atque Bohemiæ inferuerunt.

Silefia enim interea in multos variosque Principes divisa, cum hi viderent, partim sese ratione situs terrarum suarum in exteris Polonorum bellis potissimum discrimini obijci, partim vero a Polonis fidem suam in suspensionem collisionis cujusdam cum Germanis trahi, tum quod multos ex ea natione inter suos adsciscerent, tum aliis etiam ex causis, atque adeo animos a sese viderent averfos, ut in publicis negotiis, electionibus atque Comitibus negligerentur, excluderenturque, quin ut privatis etiam suis, quæ in Polonia possidebant, bonis exuerentur, quemadmodum scriptorum id consensus testatur, hæc, inquam, cum viderent Silefiæ Principes, id demum remedii, quo securitati deinceps suæ consulerent, alii post alios arripuerunt, ut omni cum Polonia Societate abrupta, in protectionem Coronæ Bohemiæ concederent.

Prævit ceteris jam Anno 1289. Dux Superioris Silefiæ Cafimirus II, lineæ peculiaris Teschinensis primus Parens, dum pleno Dominio a se possessas provincias, inter quas Oswicinum erat, & Zatoria, Regi Wenceslao jure clientelari obtulit.

In literis hac super re confectis & quatuordecim Sigillis munitis meminit Cafimirus antiquioris jam confederationis Parentis sui, cum Rege Bohemiæ Ottocaro, atque oppressiones, quas a Polonis tulerat, recenset, contra quas eum Bohemiæ præprimis protectio tutum præstare posset.



Anno 1327. Casimirus III. Teschinentis & Joannes Oswicensis Duces nexum Feudalem cum Bohemia renovarunt. Erat ille Casimiri II. Superioris Silesiæ Ducis Filius, Joannes vero Oswicensis, juxta Sommersbergii Tabulam Genealogicam, Casimiri III. ex fratre Nepos, cui Oswicinum, quod ad Teschinam pertinuerat, obtigit. Ipsæ utriusque Ducis literæ, quibus sese in clientelam concessisse profitentur, autographæ in Tabulario hujate extant, & apud Sommersbergium excusæ habentur. Posteriorum Apographum, cum precipue in rem presentem faciant, sub ( Num. XIII. ) adjectum est. Inter alia, Ducatui illi subiecta, censetur speciatim arx Zatoria, quæ posterioribus primum temporibus, adjecta, quæ satis esset, Territorii Oswicensis parte, ratione dignitatis Ducalis possessoris, a priore avulsa, & novo Ducatus Titulo ornata est.

Eodem tempore Joannes Bohemiæ Rex tanquam Supremus Dominus, concessit Casimiro III. literas fiduciarias, quibus ei, hæredibusque successionem in separatam jam Ducatum Oswicensem promittit, siquidem ejus Nepos Joannes & hujus Successores sine liberis decederent, quemadmodum in iisdem literis apud Sommersbergium videre est.

Annis 1335. & 1339. (adeoque post mortem Regis Vladislai Loktekii) inter Regem Bohemiæ Joannem, & Loktekii Filium, ac in regnum Poloniæ Successorem Casimirum III, interventu Caroli Regis Hungariæ, utrique affinitate juncti, ut controversiæ, quæ iis adhuc intercesserant, penitus tollerentur, in pacem illis conditionibus conventum est, ut vi prævii Tractatus Anni 1335. qui apud Sommersbergium Tom. I. pag. 774. & Dumontium Tom. I. Part. II. pag. 150. extat,

Rex

Rex Bohemiæ Joannes, ejusque filius Carolus, tum Moraviæ Marchio, suo, suorumque hæredum nomine Juri in Regnum Poloniæ, tituloque renunciarent; Polonia vero vicissim abdicaret in perpetuum, quidquid ei juris in Silesiam, & memoratos Ducatus competere posset, nec unquam aliquid eam ob causam Bohemiæ Regibus obmoveret: id, quod postea a dicto Casimiro Poloniæ Rege diffusius confirmatum est, uti ex monumento ( Num. XIV. ) exhibito patet.

In utrisque literis Duces, Ducatusque Silesiæ ex nomine recensentur, quos renunciatio a Polonia in Bohemiæ emolumentum facta concernebat, & speciatim Vladislaus Teschinentis, & Joannes Oswicensis cum suis Ducatibus diserte in eadem comprehendi dicuntur. In confirmatione vero Anno 1339. secuta Rex Casimirus Poloniæ jurato fatetur, & affirmat suo hæredumque ac successorum nomine, se in dictos Duces, eorumque Ducatus, quæque ad eosdem pertinerent, nec habuisse, nec habere aliquid juris, & proinde in perpetuum omnibus se Postulationibus renunciare, & nolle ullo unquam tempore Bohemiæ Regibus eo nomine litem movere, aut nominatos Duces, & Ducatus sibi vindicare, oblatosve recipere, & propterea nullam vim esse debere, cuicumque exceptioni aut obtentui, & speciatim nullam penitus rationem præscriptionis haberi posse.

Suo itaque jure utebatur Imperator Carolus IV. Bohemiæ Rex, dum Silesiæ Ducatum ceterosque principatus, & speciatim Oswicensem, Coronæ Bohemiæ conjunxit, atque in perpetuum inseruit, quod universi etiam Electores Principes Anno 1355. ratum habuerunt, uti, quæ in manu sunt, sin-

E 3

gu-



gulorum literæ originariæ, & consonum Electoris Moguntini exemplar apud Balbinum & Dumontium, testantur.

Hæc renunciatio 1372. ex parte Poloniæ instaurata est per Ludovicum, tum Hungariæ & Poloniæ Regem, ut exemplar (Num. XV.) subjectum ostendit, recensitis expresse universis Silesiæ Principatibus, & Oswicensi speciatim. Obstringebat sese in ea jurisjurandi religione Rex Ludovicus suo, conjugis Elisabethæ, hæredum, ac successorum nomine, ne unquam in Bohemicas provincias, & peculiariter in dictos Ducatus quidpiam tentaret, aut jus sibi, titulumve in eos arrogaret; quin etiam, *si quo casu, aliqui illorum Ducum, & possessorum Regi Ludovico, ejusve hæredibus sese subdere pararent, eosdem recipere aut possit, aut velit.*

Repetita hunc in modum Poloniæ renunciatione adeo firmatum est jus Coronæ Bohemicæ in obnoxium sibi clientelæ nomine Ducatum Oswicensem & Zatoriensem, ut nunquam seu a Polonis, seu ab ipsis Beneficiariis tentari quicquam potuerit, quod non jam antea omni firmitate destitutum, cassumque declaratum fuerit.

Porro exerciti interea a Bohemia juris, atque a fiduciariis etiam grato animo admissi, nihil unquam obmovente Polonia, exemplum jam Anno 1372. dedit Premislaus Teschinentis, dum is, demortuo absque liberis Duce Joanne, Oswicensem Ducatum a Wenceslao, coronato jam tum Bohemiæ Rege, feudi nomine accepit, testante id Tomo tertio prope finem Sommersbergio.

Anno 1400. Wenceslaus Rex Bohemiæ, velut Dominus directus confirmavit Hedwigi Conjugi Joannis Ducis  
Oswi-

Oswicensis factam dotalitiorum securitatem, assignante arrhæ loco Zatoria, quemadmodum apud Sommersbergium eodem loco videre est.

Ut documentum ab anno 1402. apud eundem Sommersbergium Tom. I. pag. 1006. habet, universi Silesiæ Principes, & nominatim, de quo modo diximus, Joannes Oswicensis, mutuo sese foedere conjunxerunt, ut in turbis illorum temporum graviter laboranti Wenceslao Regi Bohemiæ, tanquam Domino suo, ut differte ajunt, hæreditario contra hostes omni auxilii genere præsto essent.

Anno 1407. sæpe a nobis dictus Rex Wenceslaus superius memorato Duci Premislao Teschinenti feudum Ducatus Oswicensis confirmat, ut habetur in Compendio apud Sommersbergium Tom. 3. in Append.

Pax publica Anni 1435., quemadmodum Sommersbergius Tom. I. pag. 1019. habet, a Principibus Silesiæ (inter quorum nomina etiam Ducis Wenceslai Oswicensis ejusque fratrum reperitur) communi nomine inita est *Postulatione*, & *Jussu* Imperatoris Sigismundi & Bohemiæ Regis, cujus sese *fideles principes & subditos* differtis verbis profitentur.

Præter hæc Anno 1447. occurrit memoria digna conventio, ut ex documento apud Sommersbergium Tom. I. pag. 1011. intelligitur, quæ hinc quidem a Ducibus superioris Silesiæ Oppolienfi, Ratisborienfi, Teschinenti, & nominatim a Joanne Oswicensi; inde vero a Rege, Regnoque Poloniæ ad mutuam provinciarum turbulentis illis temporibus defensionem inita est.



Ex qua evidenter sequitur, a Polonia Duces hosce, ac inter eos Oswicensem, eorumque Ducatus, tum ut vicini tantummodo nulloque nomine sibi obnoxios spectatos fuisse, atque cum iis in foedus velut cum exteris conventum.

Tandem vero non obstante, quod Polonia hæc Coronæ Bohemicæ jura toties legitima agnoverit, Casimirus IV. Poloniæ Rex circa An. 1452. in animum induxit, Ducatum Oswicensem quavis demum via sibi vindicare, cui proposito exequendo opportunæ erant turbæ, quæ ob Regem Ladislaum Posthumum Bohemiam, Hungariam, & Austriam involvebant.

Ut vero Casimirus susceptum Consilium ad exitum deduxerit, dilucide ab ipso scriptore Polono Dlugosso enarratur.

Primus hostilem aggressionem Anno 1452. contra fratres Premislaum Teschinentem, & Joannem Oswicensem fecit Anno 1452 *Vice-Camerarius* Cracoviensis Schafraniecz, ut ab iis tributum iniquum exprimeret. Cum vero vim vi opponerent, & copias in Cracoviense Territorium duxissent, anno sequente Rex ipse arma corripuit, quibus cum impar esset Dux Joannes, arcem Oswicensem tradere coactus est, quam cum frustra in potestatem redigere conatus esset, eo sese vidit adactum, ut Regi Casimiro Oswicense Territorium partim ad refarciendos belli sumptus, partim pro accepta Summa pecuniaria 20. millium Marcarum *latorum* quos vocant *grossorum* dedendum esset.

Bohemix res sub Rege pueritiam vix dum egresso, tum ob tumultus Religionum causa obortos, tum ob præmaturum illius Anno 1457. fatum non ita comparatæ erant, ut læsa

læsa sua Jura armis vindicare potuisset; haud omissum est a Successore Georgio, quamvis in tempus maxime arduum ejus regimen inciderit, ut ea in integrum restitueret, ac Ducatum Oswicensem, velut superiori Silesiæ proprium principatum, reposceret. Verum cum rebus suis Regis Casimiri amicitiam necessariam videret Georgius, quam sibi jam Anno 1460. peculiari conventionione conciliarat, atque eam modis omnibus conservandam duceret, in Tractatu, quem præsens cum eo Glogovix An. 1462. inierat, ulteriorem quidem Territorii Oswicensis & Zatorienfis, aliorumque nominatim expressorum locorum possessionem concessit, attamen in vitæ dies tantum, ne quid Bohemiæ juribus derogaret, ut ex epitome contractus hic N. XVI. subjecta manifestum sit, quæ apud Sommersbergium Tom. 2. in Mantissa Dipl. pag. 86. extat.

Cum spes suas, quæ adhuc erant Ducibus Oswicensibus, Bohemorum auxilio paternas possessiones recuperandi, adeo in longum per præsentem conventionem differri cernerent, atque etiam religionis amore agerentur, Duces Premislaus Oswicensis & *Tostensis*, Joannes Oswicensis & *Gleibicensis* cum aliis superioris Silesiæ Principibus, sese Anno 1469. ad partes Mathiæ Corvini Regis Hungariæ, qui a Catholicis Georgio Calixtinorum capiti opponebatur, Pontificis suasu, adjunxerunt, eique sese subjecerunt, ut e conventionis formula apud Sommersbergium pag. 1054. ostenditur. In his tamen Jura Coronæ Bohemicæ tanquam fundamentum præcipuum spectabantur.

Possederat ab illo inde tempore Casimirus usque ad obitum suum anno 1492. Ducatum Oswicensem & Zatorien-



sem arcem ; & cum ejus successor & filius Joannes Albertus Poloniae Rex facile videret, fratri suo Vladislao II. Hungariae & Bohemiae Regi tum ob internas turbas, tum ob bella externa, non tam cito expeditum fore, ut restitutionem ejus Ducatus & arcis urgeret, ausus etiam est anno 1494. residuam Zatorienfis Territorii partem emptione a Duce Joanne II., qui tum eam possidebat, ad sese transferre, uti emptionis litterae apud Sommersbergium Tom. I. pag. 811. testantur.

Licet igitur Regi Vladislao Bohemiæ, ejusque filio, & successori Ludovico difficillimis illis temporibus, quibus Regni habenas tenebant, haud licuerit, jura sua adversus Poloniam tueri; Ferdinandus tamen I. Rex mora nulla interjecta, & primo ab adito Bohemiæ Regno anno eatenus integritati eorundem consuluit, ut contractum a Georgio Bohemiæ, & Casimiro Poloniæ Regibus initum cum Rege Sigismundo I. instauraret, uti Compendium Sommersbergianum, quod (N. XVII.) adnectimus, ostendit, quo scilicet contractu Oswicini & Zatorię possessio Poloniæ concessa ad Regis vitæ dies restricta fuerat.

Ab his inde temporibus nulla peculiaris Transactio aut monumentum hac de re occurrit. Attamen in omnibus interim conventionibus, & generalibus Tractatibus Bohemiam inter & Poloniam habitis ad nostram usque ætatem tam priscae illæ lites, quam recentiores controversiæ amicæ semper compositioni per Commissarios utraque ex parte constituendos reservatæ sunt.

Ex

Ex hac rerum adhuc gestarum serie, quam, quā  
licuit, brevitate ante oculos posuimus, sequentia, con-  
clusionum instar cum antecedentibus evidente nexu juncta, de-  
ducimus: Nempe

Reges Hungariæ jam 11. & 12. seculo, & quod ex-  
currit, Russiam, quam dicunt, Rubram, atque ad eam per-  
tinentes amplas, Galiciæ, & Lodomeriæ provincias legitime  
possedisse.

Eosdem Reges serie nusquam interrupta titulis, & insignibus Galiciæ & Lodomeriæ usos fuisse.

Mortuo Casimiro ex pactis cum illo conventis, quæque a Polonis Anno adhuc 1673. rata agnoscebantur, ad Ludovicum Ruffiæ Regnum rediisse.

Mariam ejusdem Regis filiam natu majorem, ac paterni solii hæredem Russiam tranquille possedisse.

Idem Ruffiæ Regnum ab Hedwige Mariæ sorore minore Poloniæque Regina vi, & armis iniquis Hungariæ fuiſſe ereptum.

Russiæ possessionem vi Tractatus An. 1412. Poloniæ quidem relictam, juris tamen utriusque partis diremptionem dif-  
ferte fuisse reservatam.

His Juribus nullo unquam tempore Hungariam vel minimum renunciaſſe.

Sed subsecuta varia bella, turbas intestinas, aliaque impedimentorum genera diu obstitisse, quo minus jura hæc, & Postulationes fortirentur effectum: nihil tamen interea omis-  
sum, quo facta, atque illæsa servarentur.

F 2

Oswi-




Oswicensem, & Zatoriensem Ducatus in clientelam Regni Bohemiae iustissimis titulis cessisse.

Hoc Dominium Bohemiam manifesti, quod eidem in universam Poloniam competebat, Juris abdicatione sibi asseruisse, atque ipsa agnoscente Polonia exercuisse.

Secutos vero Poloniae Reges, utrumque hunc Ducatum vi, & modis illegitimis, atque illicitis venditionibus a Beneficiariis sine Bohemiae consensu factis ad se rapuisse.


Nullius itaque ponderis esse, quæ pro causa sua Polonia obtendit; ex adverso Bohemiae jus in hos Ducatus, qui jam illi dudum debentur, in præsentem adhuc diem perstare illæsum.

Post tanti ergo temporis dispendium jura diserte adeo demonstrata ad effectum deducenda esse, & quidem eo modo, & via, qua nunc reipsa usa est Serenissima Austriae Domus, quæque non solum æquitati summe congruit, verum etiam unica est. Enimvero æquitatem quis non agnoscat, quando sponte relictis multo amplioribus terrarum tractibus, ad quos Hungariae jura sese extendunt, & qui præter Ducatum Severiensensem, totam Podoliam, Volhyniam, nec non Palatinatus Lublinsensem, Chelmensem &c. &c. complectuntur, portione sat tenui quis sibi satisfieri patitur? quod vero via hæc, qua ad exitum tandem perveniatur, unica sit, tam verum est, quam probatum plurium seculorum experientia, quod in Manifesto Varaviae tradito observatur: QUE L'ETAT DE LA RÉPUBLIQUE NE PERMET PAS DE POUVOIR JAMAIS ESPÉRER JUSTICE PAR LES VOYES ORDINAIRES.



Num. I.

*Litterae Andreae II. Regis Hungar. ad Innocentium Pontificem Romanum.*



Sanctissimo in Christo Patri, Innocentio Dei gratia, sacrosanctae Romanae Ecclesiae summo Pontifici, Andreas eadem gratia, Ungariae, Dalmatiae, Croatiae, Ramae, Serviae, Galiciae Lodomeriaeque Rex salutem & filialem devotionem.

Consuevit Sedes Apostolica, se iusta petentibus, exhibere facilem, & in explendis honestis petentium desideriis iustis, apud Paternitatis Vestrae mansuetudinem promovendis, non immerito fiduciam Nobis repromittimus. Noverit igitur Sanctitas Vestra, quod Galic. Principes & populus Nostrae ditioni subiecti humiliter a Nobis postularunt, ut Filium Nostrum Colomanum ipsis in Regem praeficeremus in unitate & obedientia Sacrosanctae Romanae Ecclesiae perseveraturis imposterum, salvo tamen eo, quod fas illis sit, a ritu proprio non recedere. Verum ne tam expediens Nobis & Vobis illorum propositum, ex dilatione sustineat impedimentum, quod quidem multis de causis accidere posse constat, si legatum ad hoc exequendum a latere vestro destinatum praestolamur, a Sanctitate Vestra postulamus, quatenus venerabili in Christo Patri Nostrò Strigoniensi Archiepiscopo detis in Mandatis, ut, Apostolica fretus auctoritate dictum filium Nostrum eis in Regem inungat, & Sacramentum super obedientia Sacrosanctae Romanae Ecclesiae, ab eodem exhibenda recipiat.

Praeterea innotescere volumus vestrae Paternitati, nos ad proficiscendum Hierosolymas, sicut & tenemur, studiose intendere, & omni diligentia festinare. Ideoque, Regni Nostrì curam, cujus Principes ad dislentiendum pròni sunt, & filiorum nostrorum tutelam, quo-

a

rum



rum aetas Patrono indiget, & Patri nostro in Christo Strigonienſi Archiepiſcopo, qui & dignitate caeteris praeeminet, & fidei conſtantia probatus eſt, cum quibusdam aliis, quorum providentia, & in reſſu, & poſt reſſum noſtrum credimus regnum plena tranquillitate potiri immutabiliter, poſſumus commendare. Quapropter, rogamus Paternitatem Veſtram, quatenus compatiendo noſtris neceſſitatibus, ipſum ab onere accedendi ad vos habeatis excuſatum; venerabiles autem viros Quinque Eccleſienſem, Geurienſem Episcopos, nec non Praepoſitum Albenſem, Cancellarium Noſtrum, dudum voto alligatos, & ſigno crucis inſignitos, ut nobis itineris focii ſint, utpote ex quorum ſocietate non modicas vires conſtat nobis accreſcere, a vocatione Veſtra diligenter imploramus abſolvi &c.

Num. II.

*Litterae Honorii Pontificis Romani ad Andream II. Regem Hungariae.*

Nuper ex parte tua fuit propoſitum coram nobis, quod, cum dudum Regi Nato tuo ſecundo genito ad Regnum Galetiae ſibi datum per venerabilem fratrem noſtrum Strigonienſem Archiepiſcopum auctoritate ſedis Apoſtolicae coronato in Regem, filiam nobilis viri Ducis Poloniae matrimonialiter copulaſſet; tum a te, quam ab ipſo duce corporali iuramento praefito, quod neuter veſtrum diſſolvi huiusmodi matrimonium procuraret, quinimo Regem praedictum in obtinendo regnum ipſum defenderetis, toto tempore vitae ſuae caſu ſiniſtro accidit, Regem ipſum, cum ſponſa & pluribus aliis viris nobilibus, a tuis hoſtibus capturari, & tam diu extra Regnum ipſum mancipatos cuſtodiae detineri, donec neceſſitate compulſus, cum ipſos aliter liberare non poſſes, iuramento praefito, promiſiſti, quod & filio tuo tertio genito conceſſeris, ipſi regnum praefatum, filiam nobilis viri Mieſczlau matrimonialiter copulares, ſuper qua utique Apoſtolicae Proviſionis ſuffragium poſtulaviſti.

Nos igitur hac, & aliis petitionibus tuis, in praefentia fratrum noſtrorum diligenter expoſitis, de ipſorum conſilio iuramentum huiusmodi in eo duntaxat, quod regnum praedictum alii Regi auctoritate apoſtolica coronato primo conceſſum tetigiſſe videtur, tanquam illicitum, & primo iura-

men-

mento contrarium decrevimus non tenere. In eo vero, quod ſpectat ad aliud matrimonium contrahendum; expedire non videmus, ut abſolvaris a nobis. Cum enim ſicut accepimus, praefatus filius tuus & filia, ſupradicti M. in minori exiſtant conſtituti aetate, antequam ad nobiles annos perveniant, tibi cautius & conſultius provideri poterit, in hoc caſu. Super eo autem, quod cauſam, quae vertitur inter te & cariſſimam in Christo filiam noſtram Conſtantiam Romanorum Imperatricem ſemper auguſtam, & Reginam Siciliae, ad noſtram petiſti audientiam revocari; noveris, nos eidem Imperatrici noſtras ſuper hoc literas deſtinaviſſe, credentes, quod & ipſa velit libenter, ut idem negotium ad Apoſtolicae Sedis remittatur examen &c. Datum Lat. VI. Kalend. Febr. Pontif. noſtri Anno VI.

Num. III.

*Ex Diplomatario Manuſcripto Poloniae apud Sommersberg Tom. II. Scr. Rer. Sileſ. in Mantiffa Diplom. pag. 81.*

Ludovicus Hungariae Rex donat Caſmiro I. (III.) Regi Regnum Ruſſiae, hac conditione, quod ſi Rex Poloniae Prolem masculinam fuſceperit, tunc filius Regis acceptis millibus florenis Hungaris Regi cedere Ruſſia tenebitur: Sin vero Caſmirus abſque masculina prole deceſſerit, Regnum Ruſſiae, ita quemadmodum & Poloniae devolvetur ſecundum priora pacta ad Regem Hungariae. Datum Budae infra octavas Feſti Paſchae Ao. Dni. 1352.

Num. IV. & V.

*Copia Donationis ſuper Bona Polonica.*

Nos Maria, dei gratia Regina Hungarie, Dalmatie, Croatiae &c memorie commendamus tenore preſentium ſignificantes quibus expedit vniuerſis: quod Sereniſſimo & Excellentiſſimo Principe olim Domino Ludouico premiſſa dei gratia Rege Hungarie, Polonie, Dalmatie &c. felicitis & laudande recordationis genitore noſtro benigniſſimo,



volente domino cœli, cujus nutu omnia reguntur, & disponuntur, absque prole masculina de medio sublato, nobisque iure successorio, & ordine geniture coronam & solium dicti regni Hungarię, ac scepra regiminis ipsius genitoris nostri, feliciter adeptis, Johannes filius Andree de Pallugya, ad nostram ac serenissime principis domine Elisabeth, eadem gratia regine Hungarię genitricis nostre benignissime veniendo presentiam, suas fidelitates, & obsequiorum merita, quibus primum eidem domino Regi Ludouico, ac tandem nobis possidenus studuit complacere, proponens, ac in memoriam nostre revocans Majestatis, portionem possessionariam in possessione Demetrovich vocata, habitam, que quondam Desksk, ac portiones possessionarias in possessionibus Jesmanich, Plesevich, & Popovich, vocatis, habitas, & existentes, que quondam confortis Jvan hominum, ut fertur absque heredibus utriusque sexus defunctorum prefuisse asseruntur, in regno nostro Russię in districtu Premisliensi existentes, rationeque preuia ad manus nostras regias devolutas, sibi & Ladislao, & Michaëli uterinis, nec non Andree filio Philippi Patrueli fratribus suis a nobis perpetuo conferri postulavit: Nos igitur, que cunctorum merita animo debemus metiri pietatis, consideratis premissis fidelitatibus, & fideliorum obsequiorum meritis, ipsius Johannis, quibus idem, primum anotato domino Regi Ludouico, & demum, ut prementionatum eodem de medio sublato, nobis, locis & temporibus oportunis, juxta possibilitatis sue exigentiam indefinenter studuit complacere, predictas portiones possessionarias in dictis possessionibus Demetrovich, Jesmanich, Pleseuich, & Popouich vocatis habitas, annotatos quondam Desksk & dominam condam consortem Jvan de jure contingentes, prout eodem de jure nostre regie pertinere discernuntur collacioni, cum omnibus earum utilitatibus & pertinentiis uniuersis, sub eisdem metis & terminis, ac conditionibus — quibus per prefatos condam Desksk & dominam consortem Jvan habite fuerunt, & possesse de consensu ejusdem domine genitricis nostre, Prelatorumque & Baronum nostrorum consilio prematuro, eidem Johanni, ac Ladislao, Michaeli & Andree fratribus suis, eorumque heredibus, & posteritatibus uniuersis dedimus donauimus, & contulimus, immo damus donamus & conferimus jure perpetuo, & irrevocabiliter tenendas & habendas, testimonio presentium mediante, salvo duntaxat jure alieno. Datum Bude in octavis festi beati Michaelis Archangeli, anno domini Millesimo Tercentesimo octuagesimo quinto.

*Copia Statutionis.*

Nos Emericus Bubek totius Regni Russię Capitaneus significamus tenore presentium quibus expedit uniuersis. Quod Johannes filius Andree Nobilis de Kis-Pallugya, de comitatu Lyptouiensi, Literas Serenissime Principis Marie dei gratia Regine Hungarię nobis presentavit in hec verba: Maria dei gratia Regina Hungarię Dalmatię Croatię &c. fidelibus suis magnifico viro Domino Emerico Bubek Capiteo Regni totius Russię, vel Castellano cuidam Premisliensi salutem & gratiam. Cum Nos portiones possessionarias hominis cujusdam Desksk dicti, qui ut dicitur absque heredum solatio uniuerse carnis debitum persolvisset, Demetrouich, & alias portiones ejusdem ubicunque locorum situatas & quocunque nomine vocitatas, Item Jesmenich, Pleseuich, & Popouich vocatas, ad prefatum castrum — vocatum spectantibus & pertinentibus Johanni, Ladislao, & Michaëli filiis Andree de Kis-Pallugya & Andree filio Philippi de Eadem aliis litteris nostris mediantibus nove donationis titulo duximus concedendas, eosdemque in dominium earundem possessionariarum portionum volumus per vestram fidelitatem legitime statuere, & introduci; Fidelitati igitur vestre mandamus & committimus presentibus perceptis, eosdem Johannem, Ladislaum, Michaëlem, & Andream in dominium earundem portionum possessionariarum introducere, & consuetudinibus dicti regni Russię statuere debeatis, premissis Nostre nove donationis titulo possidendas. Datum Bude in octavis festi beati Michaelis Archangeli anno domini millesimo tercentesimo, octuagesimo quinto. Nos itaque presentes Litteras domine nostre Regine honorabiliter ut tenemur acceptauimus, portionesque possessionarias Demetrovich, & alias etiam pertinentes cujusdam hominis Desksk vocati, absque heredum solatio decessi, & defuncti nec non Jesmenich, Pleseuich, & Popouich ad castrum — pertinentes, & spectantes sepe dictis Johanni, Ladislao Michaëli ac Andree fratribus suis iuxta preceptum Literarum Reginalium assignauimus, in perpetuum, & statuimus, ipsis, heredum ipsorum successoribus iure perpetuo, & irrevocabiliter possidendas, tenendas & habendas, nullius contradictione obviante. In cujus rei testimonium perpetuamque firmitatem presentes sigillo nostro consignantes eidem Johanni, & fratribus suis prenotatis duximus concedendas. Datum in — burga Eadem die festi omnium sanctorum anno prenotato.



Num. VI.

**N**os Wladislaus dei gracia Rex Polonie Necnon Terrarum Cracovie Sandomirie Siradie Lancicie Cuyauie Lytthwanieque Princeps Supremus Pomeranie Russyeque dominus & Heres etcetera. Adcertitudinem presencium & memoriam futurorum. Inter varias sollicitudines curasque multiplices que ministerio Regie dignitatis incumbunt de pacifico & salubri statu Regnorum nostrorum solícite cogitare nos conuenit, ut in Regnis ipsis ac Subditis nostris vigeat tranquilla beatitudo quietis & solide pacis gracia nutriatur. Summopere Igitur occurrendum est ut non crescant Jurgia sed iuxta Magistrum bonorum omnium caritatem que Nil sapit extraneum nil asperum nil confusum, ymmo propria equitate nutrit concordiam dissociatos coniungit pacem & vnitatem consolidat, Cupientes itaque omnium displicenciarum Odiorum Iniuriarum disensionum & gwerrarum materias & fomites inter Serenissimum Principem dominum Sigismundum Romanorum Regem semper Augustum & Hungarie Regem &c. fratrem nostrum carissimum ab vna, Nosque & Preclarum Principem dominum Vytowdum magnum ducem Lytthwanie fratrem nostrum dilectum partibus ex altera, ac Regna Dominia & Subditos cuiuslibet nostrum quoquomodo haftenus exortas & attemptatas tollere & suffocare & ad statum debitum mutue caritatis vnione laudabili deducere, Ad huiusmodi connexionis Pacis & fraternitatis & Concordie inconcusse duraturam deuenimus vnionem, Primo nempe ex certa nostra sciencia & in virtute fidei Catholice perfecte & puro corde ac verbo Regio, accedentibus ad hoc eciam Prelatorum Baronum ac Procerum Regni nostri Polonie Consensu pariter & assensu assumimus & pollicemur, Quod ab hac die & hora inantea puram veram & sinceram fraternitatem, vnacum predicto domino Allexandro duce lytthwanie &c. Pro quo domino Sigismundo Regi &c. predicto facimus caucionem quod Idem dominus Allexander dux lytthwanie &c. viceuersa sibi eandem fraternitatem iugiter obseruabit & per suas autenticas & Priuilegiales litteras firmabit, exhibebimus & seruabimus, Ipsumque contra omnem hominem viuentem ipsum hostiliter inuadere mollientem totis nostris viribus adiuuabimus & quod auxilium vel consilium nunquam dabimus nec consenciemus contra ipsius statum seu personam neque in periculum seu necem ipsius persone nos vel alium seu alios aliquatenus machinabimur aut machinari volentibus consencie-

ciemus, Sed potius conseruacionem sanitatis, & vite ipsius, honorem quoque ipsius pro posse procurabimus & quod de Regnis Terris Dominiis vasallis ac Subditis ipsius nullo vnquam tempore quidquam attemptabimus, dampnum quoque & periculum status & persone ac honoris ipsius auertemus. Proditoribus & Rebellibus eius non consenciemus, ymmo fraternitatem ipsius in talibus vbi sciuerimus premuniemus sibi intimando defendemus ac ei asistemus, ac omnia alia & singula erga eius fraternitatem generaliter & specialiter attendemus & efficaciter obseruabimus que vere & sincere fraternitatis vinculum exigit & que in presentibus litteris nostris per distinciones & continencias earundem in suis punctis clausulis & articulis sententijs quoque & Capitulis vniuersis comprehenduntur promittimus firmiter Inviolabiliterque & effectualiter attendere & tenere, prout viccaria & reciproca vicissitudine prefatus dominus Sigismundus frater noster carissimus heccine nobis & eidem domino Allexandro duci Lytthwanie &c. tenenda & obseruanda repromisit. *Verum quia super Terris Russye Podolye Moldauie inter ipsum dominum Sigismundum &c. & nos & occasione earundem inter cetera disensionis materia vertebatur, In facto itaque Terre Russye inter prefatum dominum Sigismundum &c. & nos concordatum extitit hoc modo, ut vita sibi insimul & nobis comite vsque ad diem obitus vnus ex nobis quem prius nutu diuino exemi contingat ab humanis, inter ipsum dominum Sigismundum Regem &c. Nos & dominum Allexandrum predictum pacis & Treugarum federa habeantur & inconcusse obseruentur modo infrascripto, quibus Treugis durantibus Terram Russye prout tenemus pacifice tenebimus sine impedimento predicti domini Sigismundi Regis &c. & Regnorum ac subditorum ipsius aliquali, In terra vero Podolye Idem dominus Sigismundus Rex &c. tam per se quam per suos Subditos promisit nos non impedire, neque alicui ad illam impediendam Consilium fauorem vel auxilium prestare Treugis durantibus infrascriptis. Item in casu quo nos eundem Regem Wladislaum &c. memorato domino Sigismundo Rege &c. fratre nostro vocatione diuina premori contingat, Extunc post obitum nostrum predictae Treuge infra quinque annos immediate sequentes debent perdurare, Et econuerso si pretactum dominum Sigismundum Regem &c. prius nobis decedere acciderit, federa huiusmodi Treugarum similiter infra Quinquenium inter Hungarie & Polonie Regna post eius decessum debent firmiter obseruari, & infra predictos quinque Annos Treugarum videatur de Iusticia & Jure parcium, secundum seriem & continencias litterarum alias per Prelatos & Barones vtriusque Regni Hungarie vide-*



videlicet & Polonie Primum in Jglauia alio nomine in Nouavilla & altera uice in Antiqua villa confectarum, quarum contenta habentes hic pro sufficienter insertis quoad hoc in suo robore volumus permanere. Preterea de Terra Moldwe siue Moldauie taliter ut sequitur inter eundem dominum Sigismundum Regem &c. fratrem nostrum carissimum & nos est mutuo concordatum, Ex quo enim Magnificus Allexander Voyeuoda Moldwanus ad beneplacita & mandata nostra se nobis dinoscitur obligasse, quam obligationem dominus Sigismundus Rex predictus ob amorem pure & sincere fraternitatis nostre nolens turbare uel impedire, Ideo dispositum extitit & firmatum, ut quocienscumque Turci & infideles Terras Corone Hungarie cum valido exercitu hostiliter inuaderent & eandem depopulare & vastare mollirentur, aut quandocumque predictus dominus Sigismundus Rex &c. contra predictos Turcos aut infideles mille lanceas uel plures armaret & contra ipsos ad expeditionem extra fines Regni sui Hungarie destinaret, extunc ad ipsius nunciacionem & significacionem mandare debebimus suprascripto Moldwano ut ipse propria in persona cum sua tota potencia eidem domino Sigismundo Regi &c. & ipsius Exercitui succurrat & obsequia prestat fideliter & constanter, saluo si Moldwanus ipse infirmitate Notabili & graui eo tunc esset preuentus quo casu nichilominus potentiam suam cum Rectore Exercitus sui Idoneo transmittere debebit, aut si saltim in seruicio nostro cum sua potencia protunc foret preoccupatus, qui si de mandato nostro ut prelibatur in succursum contra Turcos uel infideles personaliter uenire uel infirmitate preueniente mittere suam potentiam recusaret, Extunc nos ambo uidelicet Sigismundus & Wladislaus Reges simul debebimus Terram Moldauie non obstante predicta obligatione potenter inuadere, & ipsum Voyeuodam Moldwanum ab eadem amouere & dicioni nostre subiugare, optentamque inter nos Reges diuidere & per limites seu terminos infrascriptos distingwere tali modo, Quod Silue Majores Bucobina dicte incipiendo a montibus seu alpibus Regni Hungarie inter eandem Terram Moldauie & Terram Sepenicensem situate penes Sereth protendentes se ad aliam Siluam Minorem Burawina dictam usque ad fluuium Pruth debent per medium diuidi seu dimidiari, Et quod forum Jafskytarg in sinistra parte situm maneat pro nobis & Terris Russye, forum uero seu villa Berleth in dextera parte sita maneat domino Sigismundo Regi & Corone Regni ipsius Hungarie, Transcento autem fluuiio Pruth residue Silue directe procedendo per Campos desertos usque ad mare pari modo cum eisdem Campis desertis

per

per medium diuidentur, Ita quod Byelegrod cum equali medietate pro nobis & Terris Russye, & Kyliia cum alia equali medietate pro domino Sigismundo & Corona Regni Hungarie maneant taliter dimidiata & diuise, Et pars illa que ex tali diuisione nobis cedit, remaneat in manibus nostris sub forma pacis & Treugarum super Terra Russye superius expressarum Vbi uero predictus Moldwanus constanter & fideliter mandata per nos sibi iniungenda in Subsidium domini Sigismundi Regis &c. & succursum adimplebit, tunc predicta Totalis Terra Moldwe apud Ipsum remanebit, Eciam post obitum alterius nostri Regum predictorum ad Quinquenium sub federe Treugarum predictarum, Saluo Jure partis utriusque. Item si aliquis uel aliqui ex subditis cujuscunque nostri alterius Regnorum nostrorum aut Terrarum aliquas vastaciones Predas Rapinas uel Incendia uel alia quecumque Maleficiorum genera in Regnis & Terris alterius comiserit uel comiserint, quod per hoc Treuge premissis non infringantur, sed quod idem malefactores ad satisfaccionem Judicialiter compellantur ita quod dampna per ipsos facta de bonis eorum resarciantur, Et si Judicio parere contempnerent, uterque nostrum ipsos tamquam maleficos persequi & inpugnare tenebitur & debebit. Et ut prelibatur nullo dissensionis displicentie Controuersie & Maleficij genere superueniente quocienscumque & accidente interrumpi possit & valeat quomodolibet uel dissolui fedus Treugarum & Inscriptorum predictarum, sed ut in talibus delicta non maneant impunita, disposuimus ut vndecumque contingat in talibus delinqui aut excessum fieri recurratur & intimetur per Iniuriam & dampnum pacientem ad alterum Opidorum utpote de Incolis Regni Hungarie ad Opidum Sandecz & de Incolis Regni Polonie ad Opidum Levcze Quequidem Opida teneantur Judicibus hincinde ex vtraque parte deputatis aut deputandis casum delictum & excessum intimare & ipsos inuocare, uti in termino competenti Judices quatuor numero uidelicet Comitatum de Sarus Scepusiensis Viuariensis & Zempliniensis pro tunc constituti & per dominum Sigismundum &c. deputati ad instanciam & querelam Incole de Polonia in Antiqua villa & ex aduerso Judices totidem per nos prefatum Wladislaum Regem Polonie &c. constituti & in litteris nostris nominatim expressi utpote Sandecensis & Voyniciensis Castellani Judex & Sub Camerarius Cracouiensis eciam pro tempore constituti In villa Schramouicze aut in eisdem locis minor pars Judicum eorundem prout rei qualitas depoposcerit conuenient ac

b

Judi-



Judicium & iusticiam facient simpliciter & de plano, necnon subterfugijs cessantibus in delinquentes digne animaduertant. Et in corroborationem fidem & testimonium cautele vberioris Sigilla Prelatorum Baronum & Procerum Regni nostri quorum nomina singularius inferius describuntur penes Sigillum nostrum Regale presentibus sunt appensa. Nos quoque miseratione diuina Nicolaus Archiepiscopus Halicensis ad Ecclesiam Gnezensem Postulatus Regni Polonie Vicecancellarius Albertus Episcopus Poznanienfis Regni Polonie Supremus Cancellarius, Semouithus Senior Boleslaus Mazouie Sigismundus Nouogrodensis dei gracia duces, Johannes de Tarnow Cracouiensis & Mathias de Labischino Brestensis Palatini, Sbigneus de Brzefye Regni Polonie Marschalcus Johannes Szekoczini lublinensis Johannes de Tholischcow Calisienfis Dobrslaus de Oleschnicza Voynicenis Martinus de Calinow Siradiensis domarath de Cobyłani Byecenis Sbigneus Bank de Altomonte Bospergensis Paulus de Bogumilouice Polanecenis Slawecz de Bogleuicze Czirnenfis Castellani, Johannes de Melstin Bartossius de charbinouice Sandomiriensis Donyn de Skrzino Cuyauienfis Subcamerarij, Zauissius de Oleschnicza Tribunus Lublinensis Virzbantha de Branice dapifer Gnewossius de daleuice Subdapifer florianus de Dzauschicze Subpincerna Cracouiensis, Adam de Thur Lancicienfis Nicolaus de Milcouice Siradiensis Subdapiferij, Jacobus de Boturzin Magistercurie & Subcamerarius Reginalis Johannes de Conyn Magister coquine Reginalis, Dobeslaus de Curoszwanky Johannes Manzik de dambrowa Zauissius Niger de Garbow Petrus de Medzwedz Andreas Czolek de Ostralanka Capitaneus Halicenis Paulus de Biscupicze Cristinus de Cozeglowij Zaclica de Korzkyew Nicolaus Powala de Taczow Groth de Ostrow Johannes de Ofolin Henricus de Rogow Petrus de Chelin Petrus Cordbok Stanislaus de Wynarij Nicolaus Sinowecz de Warzangow Nicolaus Cracowka de Wsczischouicze Andreas de Brothoczicze Jacobus de Grzibaw Raphael Borowecz de daleschcouice Nicolaus Slanka de Rudka derslaus de Wlostouice Adam Scheuiga de Moskorzow, bona fide & christianice nostris & fratrum Regnicolarumque vniuersorum vice & nominibus assumimus pollicemur & fideiubemus, quod omnia & singula superius scripta & expressa prefatus dominus noster Wladislaus Rex attendet & nosque attendemus & seruabimus, suam quoque Serenitatem toto conamine inconculse observando inducimus, dolo & fraude in premissis omnibus & singulis proculmotis. Datum

tum in Lyblyo decima quinta die Mensis Marci Anno domini Millesimo Quadringentesimo duodecimo &c.

*Sigillum Regis appensum, cum alijs quinquaginta Magnatum Poloniae; quorum duodecim avulsa sunt.*

Num .VII.

**W**ladislaus dei gracia Rex Polonie necnon Terrarum Cracovie Sandomirie Syradie Lancicie Cuyauie, Lithwanieque Princeps Supremus Pomeranie Russieque dominus & heres. Notumfacimus quibus expedit vniuersis. Quomodo cupientes ea que per Prelatos & Barones nostros videlicet Reuerendos in christo patres dominos, Nicolaum Sancte Gnezensis & Nicolaum Sancte halicenis Ecclesiarum archiepiscopos, ac validos viros Cristinum de Ostrow Castellatum Cracouiensem Johannem de Tarnow Cracouiensem Nicolaum de Michalow Sandomiriensem Palatinos, Michaelem de Bogumilouicze Sandomiriensem Johannem de Szekoczini Lublinensem Castellanos, Sbigneum de Brzeze Regni Polonie Marschalcum & Zavissium de Oleschnicza Tribunalis Lublinensem, in Iglauia alio nomine Nowauilla feria tertia proxima ante dominicam Ramispalmarum nunc preteritam, cum Prelatis & Baronibus domini Sigismundi Regis Hungarie Illustris fratris nostri carissimi Jpsius plenam & omnimodam potestatem habentibus, tractata sunt alterutrum & conclusa, Eorumque litteris efficaciter roborata ac firmata, ad finem debitum ac perfectum reducere, ad Conuencionem & terminum Placitorum, ad diem Sancti Martini proxime venturum, nostris Prelatis & Baronibus in Schramouicze, Prelatis vero ac Baronibus Jpsius domini Regis Hungarie in Antiqua villis statutum & prefixum juxta continenciam litterarum prelatorum & Baronum predictorum, Hos Prelatos videlicet venerabiles in christo patres & dominos Jacobum Plocensem Albertum Poznaniensem Nicolaum wilnensem & Mathiam premislensem Episcopos, Barones autem Christinum Castellatum Cracouiensem Johannem Liganza lanciciensem Mathiam Calisiensem Palatinos, Georgium alias Gedigolt Consiliarium fratris nostri ducis Allexandri, alias withowd Capitaneum Podolie, Johannem de Szekoczini Lublinensem Nicolaum Santocensem Castellanos, Johannem Cracouiensem & Petrum



trum Syradiensem Judices, de ipsorum fidei puritate, solerti industria, maturo consilio, & prouida circumspeccione plurimum confidentes, & maxime presumentes, dirigimus destinamus & mittimus, Ipsosque in Judices, amicabiles compositores, & arbitrarios decifores, Omniumque negotiorum & causarum nostrarum gestores, eligimus & constituimus iuxta formam & tenorem litterarum, ut premittitur, per predictos Prelatos & Barones in Iglauia alio nomine in Nowauilla super finali decisione & conclusione omnium factorum, inter nos & predictum dominum Sigismundum Regem hungarie vertencium, confectarum. Hoc expresso, quod si vnus aut plures Ipsorum mortui aut legitime impediti fuerint, quod alii uel alius loco ipsorum ponantur & locentur, Dantes & concedentes eisdem Prelatis & Baronibus nostris, meram, puram, absolutam, & omnimodam nostram Regiam auctoritatem, Ex certaue sciencia nostra & animo deliberato plenam ac omnimodam potestatem, omnium displicenciarum, causarum, controuersiarum & Iniuriarum materias, inter nos, Regnum, Terras, dominia, Metas, Limites, Territoria & confinia nostra, ac dominum Sigismundum Regem hungarie, Terras, Subditos, dominia, Metas, limites & confinia Ipsius currentes & exortas Judicandi, Sentenciandi, tractandi, concordandi, arbitraliter decidendi, componendi, concludendi ac Juridice finaliter terminandi, simul eciam uel diuifim, Terminosque ad decidendum si semel decidi uel terminari non poterint, prorogandi & statuendi, tociens quociens fuerit opportunum. Promittentes, ratum gratum atque firmum perpetuo tenere & seruare, quidquid per ipsos Judicatum, tractatum, compositum, decifum ac conclusum fuerit in premiffis, Harum quibus Sigillum maiestatis nostre est appensum testimonio litterarum. Datum in Becz die dominica proxima ante festum Sancti Martini, Anno domini Millesimo Quadringentesimo vndecimo.

(L.S.)

dominus Rex  
Per se.

Num. VIII.

Nos Jacobus dei gracia Plocensis Albertus Poznaniensis Nicolaus Vilnensis Mathias Premisliensis Ecclesiarum Episcopi, Cristinus de Ostrow Castellanus Cracouiensis Johannes liganza Lanciciensis Mathias


thias de Wanszofche Calisienfis Palatini, Georgius alias Gedigolt, Consiliarius ducis Allexandri alias withowd, Capitaneus Podolie, Johannes de Sczekoczini, lublinensis, Nicolaus de Bloczifchow Santocenfis Castellani, Johannes Cracouiensis & Petrus Siradiensis Judices. Significamus tenore presencium quibus expedit vniuersis. Quod habito & seruato die Conuencionis & termino Placitorum per venerabiles in christo Patres dominos Nicolaum Gneznensem & Nicolaum halicensem Archiepiscopos Christinum de Ostrow Castellatum Cracouiensem, Johannem de Tarnow Cracouiensem Nicolaum de Michalow Sandomirensensem, Palatinos, Michaellem de Bogumilouicze Sandomiriensem Johannem de Sczekoczini lublinensem, Castellanos, Sbigneum de Brzeze Marschalcum Regni Polonie, & Zauissium de Oleschnicza, Tribunum lublinensem, Consiliarios & Ambafitores domini nostri wladislai Regis polonie &c. circa festum sancti Martini, nobis in Schramouicze, & prelatis ac Baronibus Serenissimi Principis domini Sigismundi Regis hungarie &c. in Antiqua, villis, iuxta tenorem litterarum per eosdem Consiliarios & Ambafitores domini Wladislai Regis Polonie domini nostri graciosissimi, In Iglauia alio nomine in nouauilla, confectarum, cum Prelatis & Baronibus, uidelicet domino Iadizlao Episcopo Timiniensi, Necnon ecclesie beate Marie virginis in Czepuff gubernatore, Sijmone de Rosgon Judice Curie domini Regis Hungarie, Emrico de perenii secreto Cancellario domini Regis hungarie. Petro de pereni alias Comite Siculorum, Johanne de Rosgon, Stephano de Nana Petro de Brizouicz Comite Czepusiensi, Matheus Palecz Comite de Borsed Castellano de drusdzur, Johanne de Humenna, Stephano filio Pauli de Szomosch, Benedicto Czuder, & Johanne filio Jacobi de Nadmihal, ad eandem Conuencionem per Serenissimum principem dominum Sigismundum Regem hungarie missis, de speciali & expresso mandato, Serenissimi principis, domini Wladislai Regis Polonie domini nostri graciosissimi, ad hunc finem deuenimus, & hoc in eadem Conuencione conclusimus, Primo & principaliter quod treuge pacis per Serenissimos principes dominos Sigismundum Hungarie &c. & Wladislaum Polonie &c. Reges Regnaque & dominum Allexandrum alias Withowd, & subditos ac Coadiutores ipsorum firmiter inuiolabiliterque ac cristianice, a die date presencium usque ad festum Assumpcionis beate Marie virginis gloriose proxime affuturum, debent teneri & seruari. Ita quod interim Ipsis stantibus ac firmiter obseruatis pro firmanda pace perpetua, predicti Serenissimi Principes & domini Sigismundus hungarie &c. & Wladislaus Polonie



lonie &c. Reges, Ipso die dominico Carnisprivij proxime affuturo, quo in Ecclesia dei, Esto michi decantatur, uel alia die si quam apciorem eis inuenerint, Ipse dominus Sigismundus Rex hungarie in Kerlmargth uel in lubowla, & dominus Wladislaus Rex Polonie in Sandecz debent constitui, & ibi demum de personali Conuencione per ipsos facienda, die & loco aptis prouidere, Ad quam utique quilibet ipsorum Regum, debet venire, nisi infirmitate aut aliquo alio notabili, & legitimo impedimento esset impeditus, quod utique impedimentum si occurrerit, vnus alteri significando declarabit. Si autem quod absit, habita Conuencione, ut premititur, personali, Ipse domini Sigismundus hungarie, & Wladislaus polonie, Reges, perpetuam inter se non fecerint vnionem, ex tunc ad festum beatorum Philipi & Jacobi Apostolorum proxime affuturum, iuxta seriem litterarum in Jglauia alias in Nouauilla confectarum, Prelati & Barones domini Sigismundi Regis Hungarie in Antiqua, & prelati ac Barones domini Wladislai Regis polonie in Schramouicze, villis, ad idem faciendum precise & directe, debent iterum conuenire, Et omnes displicencias dissensiones, ac Iniuriarum materias, inter eosdem dominos Sigismundum hungarie, & Wladislaum polonie, Reges, currentes & exortas, per modum concordie, aut Judicialiter seu rigore iusticie, prout in litteris predictis in Jglauia seu in Nowauilla confectis describitur, decidere, rectificare, & complanare, Que quidem littere, per prelatos, & Barones in Jglauia alio nomine in Nouauilla, pro perpetua vnione, inter predictos dominos Sigismundum Hungarie, & Wladislaum Polonie, Reges, confecte & conscripte (non obstantibus hijs inscripcionibus, quas ad Conuenciones per dominos predictos, Sigismundum hungarie & Wladislaum polonie Reges, habendas, & treugas quas ad festum Assumpcionis beate Marie proxime affuturum seruandas, conficimus & facimus presentibus, in omnibus earum clausulis, articulis, punctis, distincionibus, condicionibus & Sentenciis, debent inuolabiliter obseruari, & teneri, ac eciam in suo robore permanere, Illo eciam addito specialiter & expresse, quod ipse dominus noster Wladislaus Rex Polonie &c. Cruciferos de Prussia per gwerras & contenciones gwerrarum notabiles & publicas non invadet nec turbabit, sed iuxta tenores litterarum quarumcunque inter ipsum dominum Wladislaum Regem Polonie eiusque fratrem dominum ducem, Withowdum, ex vna & ipsos Cruciferos parte ex altera, quomodolibet confectarum, facta sua cum ipsis disponet. Si autem ipse dominus Wladislaus Rex polonie dominus

no-

noster graciosus, eos quod deus auferat per gwerras manifestas ut premititur molestaret contra inscripciones proprias super vnione perpetue pacis, inter ipsum & eosdem Cruciferos, confectas, ex tunc dominus Sigismundus Rex hungarie ad seruandas pacis treugas, quas a die date prefencium, ad predictum festum Assumpcionis beate Marie virginis proxime affuturum statuimus & fecimus, non debet esse astrictus seu igatulus, si autem ipsi Cruciferi ex aduerso inscripciones Ipse domino Wladislao Regi polonie factas violarent, & eas seruare contempnerent, tunc ipse dominus Sigismundus Rex hungarie &c. debet recedere ab ipsis Cruciferis & nulla penitus Ipsis auxilia, subsidia, & consilia prestare tenebitur, aduersus dominum nostrum Regem polonie, & fratrem ipsius dominum Allexandrum alias Withowd, & ipsorum Coadiutores in littera vnionis contentos & conscriptos, Publica uel occulta. Promittimus insuper bona fide sine dolo & fraude, quod presentes litteras dominus Wladislaus Rex Polonie predictus, dominus noster graciosissimus in omnibus eorum articulis, clausulis, & condicionibus tenebit & seruabit, & litteris sue maiestatis sigillo, confirmabit, quas in Castro Czornsteyn, Ipso die Epiffanie domini predictis prelati & Baronibus, cum quibus has inscripciones fecimus, tradendas & dandas reponemus, Eo eciam non obmisso, quod Mercatores de Regno hungarie ad Regnum polonie iuxta tractatum & disposicionem in Jglauia alio nomine Nouauilla, habitam, cum eorum Mercibus liberam transeundi, & reddeundi, ac facta eorum disponendi habebunt facultatem. Harum quibus Sigilla nostra sunt appensa testimonio litterarum. Datum in Schramouicze feria quinta Ipso die festi sancte Elizabet, Anno domini Millefimo, Quadringentesimo vndecimo.



Num.



Num. IX.

**N**os Wladislaus dei gracia Rex Polonie Necnon Terrarum Cracouie, Sandomirie, Syradie, Lancicie, Cuijauie Lytthuanieque Princeps Suppremus Pomeranie Ruffieque Dominus & Heres. Et Allexander alias witawdus Magnus dux Littwanie &c. Notum facimus quibus expedit vniuersis. Altitudo diuiciarum sapiencie & sciencie dei cuncta disponens numero, pondere & mensura, qui eciam corda tenet Regum & illa quò voluerit sua voluntate deflectit, Nos cum Serenissimo Principe domino Sigismundo dei gracia Romanorum &c. Rege fratre nostro carissimo, conuenire disposuit, vt inter nos mutuis hincinde tractatibus colloquijs & placitis observatis & habitis inter nos, ab vna, & prefatum dominum Sigismundum Romanorum &c. Regem fratrem nostrum carissimum parte ab altera super omnibus odijs, displicencijs, rancoribus discrepancijs lesionibus, dampnis Iniurijs & offensis post perpetua pacis federa dudum in Librio inita inter nos vtrumque subortis suscitatis & occasione quacunque, a quacunque parte transgressis, mutua caritas & rediuiua fraternitas oriretur, Omnium Rancorum odiorum displicenciarum, diffensionum dampnorum Iniuriarum offensarum & discrepanciarum, spiritus sancti nos gracia dirigente, ammotis prorsus fomitibus & incentiuis peremptis, paxque perpetua & tranquillitas restaurentur, quia non nisi pacis in tempore bene colitur auctor pacis. Idcirco non per errorem aut inprouide, sed animo deliberato, sano Prelatorum Principum Baronum & Procerum nostrorum fidelium accedente consilio, huiusmodi pacem vnionem, & fraternitatem restaurauimus reduximus, restauramus & reducimus ad fraternalis caritatis pristina perfectionem, que per quedam incomoda dampnorum iniuriarum & offensarum predictarum fuerat aliquanto tempore intercepta, ita quod ad ea mala nunquam de cetero sub fide & honore & pondere prestiti iuramenti instantibus seu obuiantibus suggestionibus persuasionibus & susurrijs quorumcunque quomodolibet reuertemur, nec eorum ullo vnquam tempore nos & heredes & Successores nostri inter nos in malo debemus nec volumus reminisci, ad animum reuocare, innouare uel mouere, ex nowis uel alijs quibuscunque causis & casibus emergentibus in futurum, in quocunque statu uel dignitatis eminencia dirigente altissimo fuerimus sublimati, sed dictum dominum Romanorum & hungarie Regem &c. mutuis fauoribus & amoris vinculo prosequi

sequi tenebimur, ac si nunquam inter nos & eum dissensiones, odia, dampna & iniurie huiusmodi contigissent, Ipsumque vera perfecta Christianica & indubitata caritate complecti, *iuxta litteras & inscriptiones inter nos in Librio editas & sub fidei puritate & iuramento firmatas.* Insuper promittimus pro nobis heredibus & successoribus nostris, ac sub fide & honore nostris purissimis pollicemur pro nobis Terris & Subditis Regnorum nostrorum, nostris & ipsorum nominibus, quod vniuersas & singulas litteras Inscriptiones Priuilegia Contractus pactiones, Et munimenta omnia inter nos & dictum dominum Sigismundum Romanorum & Hungarie Regem &c. fratrem nostrum carissimum & eius Subditos inita concepta edita facta & finita sub quacunque forma verborum seu tenore, quocunque tempore, & in quibuscunque locis & *presertim litteras predictas in Librio iuramento firmatas, quas hic habere volumus pro insertis, seruabimus,* nec ratione & occasione huiusmodi odiorum displicenciarum iniuriarum dampnorum lesionum & perturbationum inter nos & dictum fratrem nostrum forte swadente seminatore zyzanie suscitatarum ullam instanciam lesionem dampnum preiudicium & iacturam quomodolibet faciemus, sed semper huiusmodi concepta fraternitas, pacta federa & caritatis vinculum in solida perfecta continua & firmitate perpetua in eo statu & vigore, in quibus a primeuis eorum exordijs fuerant, debebunt inuiolabiliter remanere, & iugiter priorem effectum & efficaciam optinere, *Easdem litteras Priuilegia & contractus prefatos innouantes ratificantes gratificantes roborantes & de certa nostra sciencia confirmantes.* Et Nos Albertus dei gracia Episcopus Cracouiensis Regni Polonie Cancellarius Suppremus, Semowithus Junior, & Allexander eadem gracia duces Mazouie, Johannes de Tarnow, Cracouiensis, Sandziwogius de Ostrorog Poznaniensis, Nicolaus de Michalow Sandomiriensis, Mathias de labischin Brestensis Pallatini, Mosticius de Stanischow Poznaniensis, dobeslaus de Olefchnicza woynicensis, Florianus de Corithnicza wijsliciensis, Johannes de Tolischkow Calisiensis, Martinus de Rijthwanij Zauichostenfis, domarathus de Cobijlanij Becensis, Sbigneus de Altomonte Rospergensis, Johannes de lanzenicze Santhocensis, Johannes de lichin, Srzeniensis Castellani, Sbigneus de Brzeze Marschalcus Regni Polonie, Georgius Gedigold, Capitaneus Podolie, Nicolaus Sepenskij Consiliarius Magni ducis Lijthuanie, Zauissius Niger de Garbow Capitaneus Cruschuicensis, Henricus de Rogow vicethezaurarius Regalis,



Johannes Manzijk de dambrowa, Pincerna Regalis, Albertus Masskij lanciciensis, Thomassius Scheliga Siradiensis, Petrus de Pisarij Reginalis Subcamerarij, Paulus de Biscupicze Gladifer Regalis, Johannes & Spithko de Melftijn domini, Dobrogostius Swidwa de Schamotuli Stanislaus de Chodow venator lanciciensis, Petrus de Medwedz Jncisor Regius, Johannes Noff de dobrkow, Laurentius Zaramba Marschalcus Curie Regalis, Sbigneus de Lapanow Cameraarius Cracouiensis, Petrus de Curow Thomko Kalskij Johannes Glowacz de Oleschnicza Nicolaus Powala de Taczowo Nicolaus de Chranstow, Stanislaus Ebermuth de Wijnarij Johannes Gamrath de Climonthow, Jwo de wijwla, bona fide & Christianica, nostris & fratrum Regnicolarumque vniuersorum vice & nominibus, assumimus & pollicemur, Quod omnia & singula superius scripta & expressa dominus noster Wladislaus Rex & dux attendent, Nosque attendemus, & seruabimus, suamque serenitatem inconcussa obseruandum inducemus, dolo & fraude in omnibus & singulis premissis proculmotis. Presencium sub nostre maiestatis ac nostri Alexandri alias witaudi, ac etiam prelatorum Principum & Baronum predictorum Sigillorum testimonio litterarum. Datum in Opido kezmark Strigonienfis diocesis, Anno domini Millesimo Quadringentesimo vigesimo tercio. Feria tertia post dominicam Ramispalmarum.

(L. S.)  
Regis.

(L. S.)  
Ducis.

cum quadraginta duobus  
Sigillis Magnatum Poloniae.

Num. X.

**W**ladislaus Tertius dei gratia Rex Polonie, Nec non Terrarum Cracouie Sandomirie Siradie Lancicie Cuyauie Lythwanie Princeps Supremus Pomeranie Ruslieque dominus & Heres &c. Ad perpetuam rei memoriam. Ad populorum regimen & tutelam, salutemque animarum & potissimum fidei sancte defensionem, & augmentum constitu-

tutas esse in orbe Terrarum ab eo per quem Reges regnant, & principes imperant, Dominancium & Regum potestates Diuini Juris auctoritas & humani liquido declarat & ostendit. Caruisset profecto humana conditio iugo dominij, nec libertatem a se quam eis natura donauerat homines abdicassent, nisi quod impunita licentia scelerum in euidentem humani generis perniciem redundabat, & sic ex necessitate quadam oportuit naturam subesse iusticie & seruire iusticie libertatem, Sicque non ob hoc solum dominos subditis sententia diuina prefecit, ut eis imperando preessent, sed ut ipsis quo tocus reipublice salutis vigeret integritas, pacis & iusticie copiam ministrando prodesse. Verum cum illi summo omnium principi deo & saluatori nostro, qui omnem regit mundum, nichil est quod fieret in Terris acceptius, quam salus animarum, qui etiam de secreto patris pro operanda omnium salute descendens, in Terris visus est, & mortem subiit temporalem. Profecto qui onus quod conducere ad salutem hominum non ambigitur subire & suscipere refugit, Summi Regis dilectionem ostendit se non habere. Quamobrem, cum postquam per obitum diue memorie Serenissimi Principis domini Alberti Romanorum & Hungarie Regis, Regnum ipsum Hungarie suo destitutum fuisset rectore, Regni eiusdem Prelati Principes Comites Barones Proceres Communitates, quatenus & Sibi & Regni sui Statui salubriter prospicerent, Solennes ipsorum Ambasiatores & Nuncios Regni eiusdem Prelatos & Barones Insignes & Magnificos videlicet Reuerendum in christo Patrem dominum Johannem Segniensem Episcopum Gubernatorem Abbatie de Sancto Gothardo, Mathkonem de Talloncz Regnorum Dalmacie & Croacie ac Tocius Sclauonie Banum, Johannem De peren Magistrum Thauarnicorum Regalium, Ladislaum de Paloncz Magistrum Curie Regalis, Emericum de Marczali Magistrum Dapiferorum Regalium & Comitem Simigiensem, Mandato & Auctoritate Tocius Regni predicti fulcitos ad presenciam nostram in Ciuitatem Cracouiensem transmittendos statuissent, qui inibi constituti, post exactam & quam tante rei pondus postulabat deliberacionem, Nos desiderio vnanimi & voto concordi in suum dominum & Regem Regni Hungarie prefati nominauerunt & elegerunt, Nosque subsequenter magna cum instantia summoque desiderio precati sunt, quatinus Regni illius populorumque & dominiorum eiusdem Regimen & Gubernacula susciperemus, Arbitrati, quemadmodum ex ipsorum votis satis collegimus, id ipsum pro bono & salute Horum duorum Hungarie & Polonie



Regnorum, Proque ipsorum & Katholice fidei defensione & incremento plurimum expedire. Nos itaque Wladislaus Rex prenomatus auditis eorundem Huiusmodi desiderijs, & ipsis attentiore Consilio nostrorum Prelatorum & Baronum examinatis, Etsi Dono Altissimi Regni nostri Polonie predicti amplissima Dominia Nobis ad dominandum ad plenum sufficiant, Ne tamen videremur & diuine voluntati contraire & salutem populi Christiani negligere, De Consilio Prelatorum Principum & Baronum nostrorum, considerato maxime qualiter predicta Regna Sibi confidencia & Barbaris nationibus finitima sunt murus & Clipeus fidelium pro honore nominis diuini & defensione fidei catholice, si quod forte Omnipotens deus, ex vnione Horum Regnorum pro incremento ipsius fidei operari & efficere dignabitur quod speramus, confisi de misericordia ipsius, desiderijs prefatorum Dominorum annuimus, nominationi seu Electioni ipsorum predictae de persona nostra factae consensum prebuimus & Harum serie consentimus & annuimus. Utque cunctis innotescat Nos ad eam Rem non cupiditatis ardore nec ambitionis amore, sed ea quam premisimus animi sinceritate attractos esse pro bono Statu eiusdem Regni Conditiones & Modos infrascriptos quos prenominati Oratores Regni Hungarie predicti per nos admittere & manutenere ardencius desiderarunt, de mera nostra liberalitate grato affectu admisimus & Tenore presencium ipsorum integre & inuiolabiliter seruare & manutenere pollicemur & spondemus. In primis itaque Promittimus & pollicemur, Quod postquam nos deo fauente Regni predicti Hungarie Dyadema feliciter susceperimus, in ipsa Coronacione nostra omnia Jura libertates & Bonas consuetudines Regni ipsius usque ad presens tempus tentas & obseruatas iuramento & litteris nostris Regalibus confirmabimus. Decreta quoque Diuorum eiusdem Regni Regum & predecessorum nostrorum, ac etiam omnes libertates & Jura Ecclesiarum & Monasteriorum Regni predicti inuiolabiliter & inconculse seruare, ac Ecclesias predictas & bona ipsarum ab omnibus iniurijs defendere & tueri promittimus. Similiter omnes Donaciones tam Ecclesiasticis quam Secularibus personis vigorosas & legitime & signanter per Serenissimam Principem Dominam Elizabeth eiusdem Regni Reginam modernam factas tenebimus ac teneri atque obseruari faciemus. Item promittimus atque pollicemur, Quod Regnum predictum Hungarie & Subditos eiusdem contra & aduersus quoslibet Inimicos eiusdem tam Turcos quam quoslibet alios vbicunque positos & occurrentes, copijs Regni Polonie predicti

&amp;

& dominiorum tuorum fideliter iuxta posse tuebimur subleuabimus & iuuabimus, & reciproco modo, ipsi Regno Polonie promittimus Regnum ipsum Polonie & eius Subditos cum potentijs Regni Hungarie contra Tartaros & quoslibet ipsius Inimicos pari passu modo & vicissitudine fideliter tueri & adiuuare. Promittimus etiam & spondemus Quod omni diligencia sollicitudine & opera nostra quantum in nobis fuerit, niti & laborare volumus pro recuperandis omnibus Juribus & pertinencijs Regni Hungarie pretaeti a quibuscunque occupatis. Eo etiam signanter expresso, quod Terre Russie & Podolie remaneant in pacifica possessione sicut hactenus fuerunt Regni Polonie sine preiudicio Hungarie & Polonie Regnorum predictorum, quousque inter Prelatos & Barones vtriusque Regni, & quando prefato domino Regi videbitur, celebrari poterit Conuentio pro declaratione Juris & Tituli Terrarum predictorum cui Regno competant, Hoc etiam specialiter adiecto, quod quo ad articulum Terre Moldaue remaneat pronunc in Statu in quo est, & adueniente tempore, quo domino Regi videbitur, de Consilio Prelatorum & Baronum vtriusque Regni fiat secundum quod in antiquis litteris desuper confectis continetur. Preterea ut nostra in hijs sincera intencio appareat, & ut quod verbo de recuperandis Juribus & pertinencijs Regni Hungarie dicimus & promittimus effectu ipso rei comprobetur, deturque intelligi, quanto affectu incrementum Regni eiusdem cupiamus, Castrum Lublio in Terra Scepusiensi cum omnibus Ciuitatibus Opidis Villis que Titulo pignoris usque ad presens tempus ratione Regni nostri Polonie pacifice possedimus & tenuimus atque tenemus, Promittimus & pollicemur de nostra mera liberalitate statim postquam celebritas Coronacionis premisse feliciter facta fuerit & consumata, reintegrare & libere restituere Regno Hungarie, absque quauis pecuniarum predictorum in quibus pignori obligata fuerunt exaccione Litterasque quascunque superinde confectas mox post dictam Coronationem restituemus. Promittimus insuper & pollicemur Rebellibus & infidelibus Regno Hungarie predicto omnibusque & singulis extra fines Regni ipsius ob eorum demerita pulsas & relegatis gratiam redeundi & resumendi in Regnum ipsum non faciemus absque Consilio Prelatorum & Baronum Regni predicti prout hoc habet & obtinuit Regni eiusdem antiqua consuetudo pro conseruanda quoque pace & quiete Regni Hungarie prememorati, & Subditorum eius Promittimus & spondemus Serenissimam Principem dominam Barbaram Imperatricem Romanorum in Regnum Hungarie seu intra



Limites & pertinencias Regni eiusdem non intromittere nec induci facere, sed nec aliter quomodolibet introductam in Regno eodem absque voluntate & consensu Prelatorum & Baronum omnium Regni predicti confoueri, Que quidem, si quid cause contra quamcunque personam Regni ipsius habeat habueritve in futurum, & de eadem agere & experiri voluerit, per procuratorem suum legitimum id prosequatur. Et nos cum Prelatis & Baronibus Regni predicti eidem Justiciam plenam & expeditam ministrabimus & ministrari faciemus. Licebit tamen nobis secundum Regalem munificenciam prefate Serenissime domine Imperatrici extra fines Regni Hungarie supradicti pro Statu eiusdem providenciam facere iuxta placitum nostre voluntatis. Preterea cum Relicta Margaretha quondam Johannis de Gara propter quosdam notorios excessus suos per Judicium quondam Serenissimorum dominorum Sigismundi Romanorum Imperatoris quam eciam Alberti Hungarie Regis de Consilio Prelatorum & Baronum eiusdem Regni in capite & in bonis condemnata dicatur, Et propterea usque in presens in carceribus teneatur, Promittimus Judicium predictum ratum & gratum habere, nec aliquem seu aliquos occasione huiusmodi molestari vel ab aliis impeti seu molestari permittere. Licebit tamen nobis eam proprie libertati donare & extra fines Regni emitte. In cuius robur & testimonium presentes litteras Sigillo Maiestatis nostre communiri mandavimus. Actum & Datum in Ciuitate nostra Cracouienfi Octaua die Mensis Marcij Anno domini Millesimoquadringentesimoquadragesimo. Per manus Magnificorum Johannis de Conecpole Cancellarij & Petri woda Szczekoczini vicecancellarij Regni polonie sincere dilectorum. Nos autem Prelati & Barones atque proceres Regni Polonie pro Suprascripto Serenissimo Principe domino nostro Rege Promittimus atque pollicemur, Quod prefatus dominus Rex noster Hec omnia suprascripta seruabit tenebit faciet atque attendet singula que in dictis Litteris continentur. In cuius testimonium Sigilla nostra ipsis Litteris appendi fecimus In robur & fidem ampliorem. Datum ut supra.

Sigilla, quorum, præter Regium, viginti Magnatum appensa fuere, planè avulsa sunt, superstitibus duntaxat aliquot pessulis membranaceis.

*Acta Pacificationis Bitbomiensis & Bendzinensis.*

Nos infrascripti sacratissimi, atque inuictissimi Romanorum Imperatoris Rudolphi secundi nec non Hungariae, Bohemiaeque Regis, Archiducis Austriae &c. &c. Domini Nostri clementissimi, universaeque Serenissimae Domus Austriacae, Regnorumque Caesareae Maiestatis Hungariae, Bohemiae, caeterarumque Provinciarum deputati Commissarii, Gvilhelmus Urfinus a Rosenberg, Domus Rosenbergicae Gubernator, Eques aurei Velleris, Sacrae Caesareae Maiestatis intimus Consiliarius, & Supremus Regni Bohemiae Burgravius, Petrus Episcopus Jauriensis, Regni Hungariae Cancellarius. Christophorus Poppl Baro in Lobkowitz, & Tachaw Sacrae Caesareae Maiestatis Camerarius, & Supremus Regni Bohemiae Camerae Praefectus, Richardus Strein. Baro in Schwartzenu & Tirnstain, Stanislaus Episcopus Olomucensis, Princeps Regalis Capellae Bohemiae, Comes Zaifridus a Promnitz Baro in Pless, Sorau, & Tribel, Nicolaus Istwanffi de Kizazgon Falua Officii Palatinatus R. Hungariae Locumtenens, Capitaneus Soproniensis, Joannes Kobentz Baro in Prossedk Ordinis Teutonici Commendator ex una parte: ex altera vero Nos Serenissimi Principis, & Domini Domini Sigismundi III. Regis Poloniae, Magni Ducis Litvaniae, Russiae, Prussiae, Masoviae, Samogitiae, Livoniae, &c. &c. nec non commemorati Regni, Magni Ducatus Litvaniae, caeterarum Ditionum ejus Nomine itidem deputati Commissarii, Hieronymus Comes in Rozdrazew, & Bombzdorff, Dei Gratia Episcopus Vladislaviensis, & Pomeraniae, Janusius Dux Ostrogiae, & Palatinus Volhiniae, Stanislaus Goidomski de Pezoncze Palatinus Ravenfis, Capitaneus Radomiensis, Christophorus Zienowicz Palatinus Breszianensis, ac Ciecieriensis, & Peropesiensis Capitaneus, Andreas Opalenski de Bnin, Regni Poloniae Supremus Marschalcus, & Majoris Poloniae Generalis, & Lezaycensis, Srzemenfisque Capitaneus, Joannes Zamoyski de Zamoyscie Regni Poloniae Supremus Cancellarius, ac Exercituum Generalis, & Belzensis, Marieburgenfis, Derpatensis, Kniszynensis, Grodecensis, Miedzyrcensis, Javorovienfisque Capitaneus. Significamus Praesentibus hisce hu-



hujus, & futuri temporis, universis, & singulis. Cum Sanctissimo Domino Nostro Sixto V. summo Pontifice, pastoralis muneris memore, atque ingenitae pietatis, charitatisque studio in universae Christianae Reipublicae bonum, ac quietem propensissimo, Majorumque suorum, ac Decessorum Summorum Pontificum, exemplis permoto, per Legatum suum de Latere Illustrissimum, ac Reverendissimum Dominum Hypolitum, Sacrae Rom. Ecclesiae Presbyterum Cardinalem Aldobrandinum, & Summum Paenitentiarium, enixa, & summa diligentia id curante, deque amicitia & Pace diligentissime Principes Nostros appellante, ad controversias, & Dissensiones, quae inter Principes Nostros, Ditionesque eorum nuper exortae fuerant, componendas, plena, & omnium rerum libera cum facultate, utrinque legati essemus. Nos pro facultate a Principibus Nostreis, Ordinibusque Regnorum, & Dominiorum eorum, cum generaliter, tum specialiter, & nominatim in eam rem Nobis data, commemoratas controversias omnes, & quascunque omnino tandem transegisse, composuisse, & sustulisse. Et si enim, quemadmodum in omnibus Controversiis accidere solet, non deessent, quae in utramque partem diu ancipites, dubiosque Nos tenerent, cum tamen, & incommoda dissensionum, quae cum privatim singulis, tum publice Regnis, Nationibusque universis importare solent, & Pacis Commoda diligentius Nobiscum expendissemus, accessisset vero eodem S. D. N. autoritas: Legati autem ipsius de latere Illustrissimi, & Reverendissimi Domini Cardinalis Aldobrandini, summum, atque indefessum in Concordia hac procuranda studium cum summa prudentia & aequitate conjunctum, iis, quae supra demonstratae sunt, causis adducti, de omnibus tam Controversiis, dissensionibusque, quam causis earum, hisce, quae sequuntur, Conditionibus composuimus, transegimusque; Inprimis cum, quemadmodum supra ostensum est, ut in Pace omnia florent, ita non modo nullum malum tantum esse possit, quod a bello absit, sed ne Author quidem, ut aliorum bonorum, ita etiam Pacis Deus, non nisi in pace pie, recteque coli possit; cum ob publicam Reipublicae Christianae salutem, tum in primis Nominis Divini gloriam convenit, statutumque inter Nos est, ut non solum superioris temporis offensiones, suspicionesque, & causae offensionum, omnes inter Principes Nostros, Ditionesque, & homines earum universos, & singulos in perpetuum abolitae, & sublatae sint, verum firma etiam, sincera, & constans Pax, atque amicitia perpetuis temporibus in posterum inter eosdem colatur, ob-

observeturque. Cujus quidem rei eo justiores causas Principes Nostros habere arbitrati sumus, quod non solum Ditiones; & populi utriusque multis, iisque antiquissimis foederum, Cognationis, & aliarum necessitudinum vinculis adstricti semper inter se fuerint, sed Principes etiam ipsi, ut quorum utrinque genus e Jagellonum stirpe promanat, propinqua sanguinis Conjunctione devincti inter se sint, ut non minor in mutuo amore pietatis, quam in Republica Christiana communis salutis ratio habenda illis sit, cum hujusmodi necessitudo ea sit, ut non solum superiores offensiones omnes abolere debeat, verum sine vituperatione nullam offensionem inter tam conjunctos Principes admittere possit. Condonnabunt igitur utrinque tam Caesarea nimirum Majestas, Serenissimaque Domus Austriaca, quam Serenissimus Poloniae Rex, quae superiore anno inter ipsos, & Ditiones eorum quomodocunque intercesserunt, primum publicae universae Christianitatis Tranquillitati, deinde non minus mutuae etiam necessitudini, ac sanguinis Conjunctioni, maxime autem Sanctissimi Domini Nostri Summi Pontificis auctoritati. Cum autem omnis haec superioris temporis dissensio ex nominatione, jurebus, & institutis Regni Poloniae minus consentanea, Serenissimi Principis, & Domini, Domini Maximiliani Dei Gratia Archiducis Austriae, Ducis Burgundiae &c. &c. in primis Comitibus electionis Varaviae habitis, a quibusdam interposita promanarit, cum iis, quae supra commemoratae sunt, tum aliis causis ad Reipublicae Christianae universae salutem, & tranquillitatem pertinentibus, convenit, conclusumque inter Nos est, ut quo, & praeterita dissensio, & futura causa, materiaque omnis tollatur, commemorato titulo, & jure, quod quocunque modo pervenisse ad se inde arbitratus fuit, idem Serenissimus Archidux Maximilianus, cum alias memoratas ob causas, tum ob communis Reipublicae Christianae, ut ostensum est, quietem, & incolumitatem abstineat, & nunquam in posterum utatur. Praeter eum vero Caesarea Majestas etiam, caeterique Serenissimi Archiduces, nullam unquam Controversiam vel hac, vel alia quacunque causa, colore seu praetextu, vel Serenissimo Principi, ac Domino, Domino Sigismundo tertio, praesenti Regi Poloniae, vel etiam si (quod Deus avertat) morte ejus Regnum vacare contingeret, eidem Regno, eundem Serenissimum Archiducem Maximilianum, vel quemcunque alium, quocunque tempore, per se, vel per alios relaturum aut suscitaturum, neque id facienti Confilium



filium, auxilium, Transitum seu Favorem quemcunque in eam rem se praebituros, praestiturosque spondeant, ac promittant. Neque vero in ullam ejusdem Serenissimi Archiducis injuriam, vel contumeliam accipere, aut quisquam interpretari id debebit. Quemadmodum enim, & ea familia Serenitatem suam ortam, & ea ipsam etiam virtute esse, Ordines Regni Poloniae libenter agnoscunt, ut quocunque amplissimo Regno dignam eam judicent, neque generis dignitate, & virtutis laude ullo Secundam eam habeant, ita vicissim Serenitatem quoque Suam prae prudentia Sua cogitare non dubitant, primum Regna non solum ex dignitate cujusque, sed inprimis etiam divina voluntate deferri, ideoque magis hanc, quam Judicia hominum sibi defuisse, deinde eo aequiore etiam animo id laturam, quod ad illum delatum Regnum videat, qui & Serenitatem Suam tam propinqua Sanguinis Conjunctione attingat, ex Famillia autem Jagellonica, optime de Regno Poloniae merita, qui Summa cum laude Regno huic praefuerit, non solum Avos ac Proavos, sed nuper etiam Avunculum Dominum Sigismundum Augustum Regem habuerit. Quam ob causam, & si libera Nobilitatis suffragia, nulli successioni adstricta sint, quod nihilominus ex Famillia Jagellonica electus Rex sit, pro Sua cum eadem Famillia necessitudine tanto aequius feret, neque de pristina amicitia, quae inter Serenissimam Domum Austriacam & Regnum Poloniae, magnum Ducatum Litvaniae, caeterasque Ditiones eis conjunctas, Ordinesque, & homines earum semper fuit, quicquam vel Serenitas ejus vel Serenissima Domus ipsius ob id remittet: maxime vero, si (quod diutissime Deus sustinere velit) Regnum iterum vacare contingat, in libertate electionis commemoratos Ordines nullo modo impediet, neque vel armis, ac vi, vel largitionibus, seu factionibus quicquam contra eandem libertatem faciet, aut suscipiet dolo, ac fraude omni remotis. De Lubovlia deinde hunc in modum convenit. Inprimis, ut Castrum id cum oppidis, Villisque ad id pertinentibus, quemadmodum injussu Caesareae Majestatis, ac praeter voluntatem ejus occupatum est, ita in pristinum usum, & possessionem Regni Poloniae, quemadmodum a tot Saeculis quiete, ac sine ulla controversia id in ea possessione, atque usu fuit, iterum tradatur, consigneturque, Supellex item reliquumque instrumentum omne, maxime autem tormenta tam minora quam majora, omnia, quae in castro eo, cum occuparetur, exstiterunt, bona fide restituantur, unaque cum ipso castro tradantur. Ad Possessio-

sessionem autem eam accipiendam utriusque Partis consensu dies vigesimus primus Mensis Julii praefinitus, & acceptus est, ad quem Regia Majestas Poloniae, qui eam postulent, & accipiant, homines suos mittet, ii vero qui in arce erunt, sine ulla mora, quemadmodum supra convenit, cum omni Supellectile, & instrumento, quod ante in eo fuit, vacuum possessionem ejus tradere debebunt. Cumque ut non solum dissensiones, & controversiae omnes sopiantur, verum pristina etiam amicitia, atque benevolentia utrinque restituatur, actum inter Nos fuerit, ut Pacta, & foedera, quae ab aliquot Saeculis utriusque Regnis, & Ditionibus intercesserunt, ea forma, quae ex utriusque nostrum Consilio, & Sententia Scripto comprehensa jam est, ab utriusque Principibus, & eorundem Ordinibus, iterum renoveantur, confirmenturque, placuit, convenitque. Quibus quidem rebus, cum pristina amicitia atque benevolentia, integre conciliata, restituta, ac reindegrata utrinque esse debeat, promittimus pro eo, spondemusque. Nos quidem superscripti Caesareae Majestatis, & universae Sereniss. Domus Austriacae Commissarii cum commemoratae Caesareae Majestatis, caeterorumque Serenissimor. Austriaeorum Principum omnium, tum maxime Serenissimi Maximiliani Archiducis nomine, nullam Superiorum dissensionum, offensionem Majestatem, Serenitatesque suas retenturas, eandem nullo unquam tempore renovaturas, constantem autem posthac, & sinceram cum Regia Majestate Poloniae, Ordinibusque amicitiam, & benevolentiam conservaturas, neque vi aut armis, vel per se, vel per submissas personas, quocunque tempore, vel quacunque ex causa, colore, seu praetextu Regnum Poloniae, magnum Ducatum Litvaniae, Russiam, Prussiam, Masoviam, Samogitiam, Liunioniam, caeterasque Ditiones, vel arces, Oppida, Villas, hominesve Serenissimi Poloniae Regis, aut propinquorum, Sociorum, vel adhaerentium ipsius infestaturas, vim aut injuriam ullam illaturas, factiones aut Partes ullas contra easdem, & in iisdem futuras, alturasve, ab iisdem proscriptos aut exules recepturas, habiturasve, neque aliis id facientibus ullum Consilium, Auxilium, Transitum, aut quemcunque denique favorem accommodaturas, verum omnia, quae transactione hac, Pactis perpetuis, ac foedere comprehenduntur, diligentissime observaturas. Similiter vero Nos Serenissimi Poloniae Regis superscripti Commissarii, ejusdem Majestatis Suae, Ordinumque ejus nomine, vicissim recipimus, promittimus, spondemusque nullo unquam tempore eorum,



rum, quae ante quocunque modo intercesserunt, offensionem Serenissimum Poloniae Regem aut Ordines retenturos, eandem per quamcunque occasionem renovaturos, sed constantem posthac & sinceram cum Caesarea Majestate, universaeque Serenissima Domo Austriaca, in eaque Serenissimo etiam Archiduce Maximiliano, Regnisque, Ditionibus, & Ordinibus eorundem, amicitiam & benevolentiam conservaturos, neque ipsam Majestatem Suam, Ordinesque, seu homines ejus, quoscunque vi, aut armis, vel per se, vel per submissas personas, quocunque tempore, vel quacunque ex causa, Colore seu praetextu Regna Hungariae, vel Bohemiae, Austriam, Moraviam, Silesiam, vel quaecunque alia commemoratorum Serenissimorum Principum Dominia, Ditiones, Arces, Oppida, Villas, vel homines aut propinguorum, Sociorum, vel adhaerentium ipsorum infestaturos, vim, aut injuriam ullam iisdem allaturos, factiones, seu Partes ullas contra eosdem, & in iisdem futuros, alturosve, ab iisdem proscriptos, aut exules recepturos, habiturosve, neque aliis id facientibus ullum Consilium, Auxilium, Transitum, aut quemcunque denique favorem accommodaturos, sed omnia, quae Transactione hac, Pactis perpetuis ac foedere comprehenduntur, diligentissime observaturos. Quo firmiora vero omnia haec sint, convenit, transactumque inter Nos est, ut Serenissimus Poloniae Rex Legatum suum ad Caesaream Majestatem, Caeterosque Serenissimos Archiduces intra diem vigesimum Mensis Aprilis in Aulam Caesareae Majestatis Prior mittat. Qui quidem inprimis, ut Caesarea Majestas offensiones omnes, quae Superiore anno inter Caesaream Majestatem Suam, ejusque inclytam Domum Austriacam, & inclytum Poloniae Regnum, quomodocunque utrinque intercesserunt, publicae Tranquilitati, & Paci, tum Sanctissimi Domini Nostri authoritati condonnet, rogabit, Serenissimique Regis Sui nomine paratam Majestatem Suam Regiam esse offeret, quae in Transactione continentur, convenerintque, singula confirmare, & praestare. Caesarea Majestas in ejusdem S. D. N. Gratiam, & publicae Christianitatis Salutis causa, Paci hujusmodi, & Petitioni annuet, deinde vero ipsa quoque intra diem decimum quintum Mensis Maji similiter Legatum suum ad Serenissimum Poloniae Regem mittet, per quem gratam sibi Legationem ejus fuisse, & quae ex Oratore ejus intellexerit, reliqua ostendet, & si quae Sacrae Caesareae Majestati in benevolentiae, atque amicitiae Testimonium videbuntur alia. Eodem deinde Legato praesente pri-

primum Serenissimus Rex Poloniae, Sequenti forma juramentum praestabit.

Ego Sigismundus III. Dei Gratia Rex Poloniae, Magnus Dux Litvaniae, Russiae, Prussiae, &c. juro, spondeo, promittoque coram Deo, per haec Sancta ejus Evangelia, quod omnia ea, quae S. D. N. Legatique Ejus de latere Reverendissimi Cardinalis Aldobrandini interventu inter commissarios Meos ex una, & Caesareae Majestatis Universaeque Serenissimae Domus Austriacae parte ex altera, Bithomiae, & Bendzini Congregatos convenerunt, in omnibus eorum punctis, & clausulis firmiter, inviolabiliterque observabo, iisdemque satisfaciam, pro eoque cum Caesarea Majestate, Serenissimis fratribus, & Patruis ejus universaeque Serenissima Domo Austriaca, Regnis, Ditionibus, & hominibus eorundem juxta eandem Transactionem, Pacta perpetua, & foedus, Pacem, amicitiamque perpetuo, constanterque colam. Sic me Deus adjuvet, & haec Sancta Dei Evangelia.

Secundum Regiam deinde Majestatem ejus, Ordines Regni Poloniae, Magni Ducatus Litvaniae, Russiae, Prussiae, Masoviae &c. seu omnium Ordinum nomine Proceres ad hoc in Comitibus nominati, & sufficiente in eam rem Mandato instructi, sequentibus itidem Verbis jurabunt.

Nos NN. juramus, spondemusque coram Deo, omnium Regni Nostri Ordinum nomine, quod omnia ea, quae inter Caesareae Majestatis, Caeterorumque Serenissimorum Principum Austriacorum &c. Commissarios ex una, & Serenissimi Principis, & Domini, Domini Sigismundi III. Regis Poloniae, Magni Ducis Litvaniae, Russiae, Prussiae &c. parte ex altera, Ordinumque, Regnorum, & Dominiorum utriusque Partis Bithomiae, & Bendzini Congregatos convenerunt, firmiter, inviolabiliterque observabimus, Ordinesque Universi in perpetuum observabunt, Serenissimis Principibus Nostri, ut observent, authores semper erimus, neque ut aliter fiat, assensum, Consilium, aut Auxilium Nostrum unquam praestabimus, sed eandem Transactionem & Pacta omnibus viribus tuebimur, Ordinesque Universi perpetuis Temporibus tuebuntur. Sic Nos Deus adjuvet, & haec Sancta ejus Evangelia.

Quae cum ad eum modum perfecta fuerint, mittet deinde intra Diem Decimum quintum Mensis Junii, ad Caesaream Majestatem, Caeterosque Serenissimos Archiduces in Aula Majestatis Suae



aut per se, aut per Legatos Suos existentes, alterum Legatum Suum Serenissimus Poloniae Rex, qui inprimis Transactionem hanc, tum juramenta, tam ejusdem Serenissimi Regis, quam Ordinum supra Commemoratorum ab ipso Serenissimo Rege Poloniae, Ordinibusque Regni Poloniae, Magni Ducatus Litvaniae, Russiae, Prussiae, Masoviae &c. subscripta, Sigillisque eorundem munita, Caesareae Majestati tradet, atque Transactionem hanc, ipsa quoque & Caeteri Serenissimi Archiduces, Patruum, & Fratres Majestatis Suae similiter confirmant, confirmatamque Subscriptionibus, & Sigillis cum Suis, tum Ordinum, seu Omnium Ordinum nomine, praecipuorum Procerum edant, juramentum autem in eandem cum Caesarea Majestas, tum Ordines Regnorum Ditionumque ejus similiter praestent, juramenta quoque eadem, Caesareum, a Caesarea Majestate, & Ordinibus, Ordinum autem ab ipsis Proceribus subscripta, & Signata Sibi tradantur, postulabit. Qua Legatione exposta, Caesarea Majestas eodem Legato praesente in haec itidem Verba juramentum praestabit:

Rudolphus II. Dei Gratia electus Romanorum Imperator semper Augustus &c. &c. juro, spondeo, ac promitto coram Deo, per haec Sancta ejus Evangelia, quod omnia ea, quae Sanctissimi Domini Nostri &c. & Legati ejus de Latere, Reverendissimi Cardinalis Aldobrandini interventu inter Commissarios Meos, caeterorumque Serenissimorum Principum, Patruorum, ac Fratrum meorum ex una, & Serenissimi Principis Domini Sigismundi III. Regis Poloniae, Magni Ducis Litvaniae &c. Parte ex altera Bithomiae, & Bendzini Congregatos convenerunt, in omnibus eorum Punctis, & clausulis firmiter, inviolabiliterque observabo, iisque Satisfaciam, Pacem, & amicitiam cum eodem Serenissimo Principe, Regnoque Poloniae, Magno Ducatu Litvaniae, caeterisque conjunctis Provinciis, & Ditionibus juxta eandem Transactionem, Pacta perpetua, ac foedus perpetuo, constanterque colam. Sic me Deus adjuvet, & Sancta Ejus Evangelia.

Eodem deinde modo Regnorum etiam, Ditionumque Caesareae Majestatis Hungariae, Bohemiae, Austriae, Moraviae, Silesiae &c., Ordines, seu omnium Ordinum nomine Proceres ad id nominati, & sufficiente in eam rem Mandato instructi, iisdem Verbis & forma, quae supra Polonicis Ordinibus praescripta est, eodem itidem Legato praesente juramentum praestabunt, juramenta quoque, & Transactio haec ita, quemadmodum supra ostensum est, a Caesarea

rea

rea Majestate Serenissimis Archiducibus, Patruis, & Fratribus Caesareae Majestatis, Ordinibusque Regnorum, & Ditionum Caesareae Majestatis superscripta, & confirmata, commemorato Regiae Majestatis Poloniae Oratori tradentur. Idem vero Legatus Pactorum quoque secundum eam formulam, quae ex communi Consilio, ac Sententia Scripto a Nobis comprehensa est, confirmationem simul a Caesarea Majestate petet, & cum ejusdem Caesareae Majestatis, eorundem Pactorum confirmationem ad Serenissimum Regem Poloniae deferet, tum Serenissimi Poloniae Regis apud Caesarem Majestatem relinquet. Vicissim vero debet Serenissimus Princeps, & Dominus, Dominus Maximilianus Archidux Austriae &c. &c. Hrodlo, quo in loco nunc est, ad Diem decimum sextum Mensis Julii movere, ac quam honorificentissime Byczynum, vel si ita Serenitati Suae videbitur, Bithomiam, cura Serenissimae Regiae Majestatis Poloniae ad diem vigesimum octavum Mensis Julii deduci, quemadmodum quidem Nos Ejusdem Majestatis Suae Superscripti Commissarii ad ita futurum cum Majestatis Suae, Ordinumque, tum Nostro nomine promittimus. Priusquam etiam Serenissimus Archidux Maximilianus e Regno proficiscatur, Serenissimus Poloniae Rex ipse eum inviset, mutuamque benevolentiam ita ei declarabit, ut eam superioris temporis injuria interruptam magis fuisse, quam vel tum etiam illi defuisse, vel in posterum defuturam ostendat, quamque maxime poterit, dignitatis ejus rationem libenter habebit. Quam primum vero ultra fines Regni Poloniae in Caesareae Majestatis Ditionis fines Serenitas Sua pervenerit, inprimis quod nunc quidem Caesarea Majestas, utriusque autem nomine Nos Caesareae Majestatis Commissarii spondemus, promittimusque, ipse quoque Transactionem hanc in omnibus Suis Capitibus, & Articulis itidem confirmabit, confirmatamque & sua, atque aliquot Procerum Germanicorum, quos tum secum habuerit, Subscriptionibus & Sigillis munitam, iis, qui nomine Serenissimi Poloniae Regis, eum comitabuntur, Instrumentumque illius ab eo postulabunt, tradet. Deinde vero Juramentum corporale sequentibus Verbis praestabit, idemque similiter a Se, & aliquot Proceribus Nationis Germanicae, qui tum circa eum fuerint, Signatum Subscriptumque dabit.

Maximilianus Dei Gratia Archidux Austriae, Dux Burgundiae &c. &c. juro, spondeoque per haec sancta Dei Evangelia, quod omnia ea, quae Sanctissimi Domini Nostri &c. & Legati ejus de Latere



tere Reverendissimi Cardinalis Aldobrandini interventu, inter Sacrae Caesareae Majestatis, Domini, & Fratris mei observandissimi, caeterorumque Serenissimorum Principum Austriacorum, Commissarios ex una, & Serenissimi Principis, Domini Sigismundi III. Poloniae Regis, Magni Ducis Litvaniae &c. parte ex altera Bithomiae & Bendzini congregatos convenerunt, in omnibus eorum Punctis & Clausulis, firmiter, inviolabiliterque observabo, Pacem, & Amicitiam cum eodem Serenissimo Rege Poloniae, Magno Duce Litvaniae &c. Regnoque, Magno Ducatu Litvaniae, & caeteris Ditionibus ejus perpetuo, constanterque colam, neque quicquam, quod contra ejusdem Serenissimi Regis, Ditionum, Hominumve ejus Salutem, & quietem sit, suscipiam admittamve, neque vim aliquam inferam, aut aliquo modo publice vel occulte molestabo, sed Fraterno honore, amore, & benevolentia omnibus in locis per omnem occasionem eundem Serenissimum Regem prosequar, Sic me Deus adjuvet, & haec Sancta ejus Evangelia.

Quo Juramento praestito, tandem iis etiam quos ex Natione Polonica juramento, fide, aut quocunque modo obligatos antea Serenitas Sua habuit, fidem eam, jusjurandum, omnemque omnino obligationem remittet, planeque liberos eos pronuntiabit. Reservamus postremo ab hac Transactione, Nos quidem Caesareae Majestatis Commissarii pro Sacra Caesarea Majestate, Domino Nostro clementissimo, universaque Serenissima Domo Austriaca, Sanctissimum Dominum nostrum Papam, Sanctamque Sedem Apostolicam, nec non Sacrum Romanum Imperium, cui pro ea fide, quam illi jurejurando obstrinxit Caesarea Majestas, si quis illud injuria afficere vellet, deesse non posset. Praeterea vero Serenissimum, ac Potentissimum Principem, & Dominum, Dominum Philippum Regem Hispaniarum Catholicum &c. &c. Magnum Moschorum Principem, ita tamen ne propter hanc exceptionem, vel contra Serenissimum Regem, Regnumque Poloniae, Magnum Ducatum Litvaniae &c. vel contra Serenissimum Sveciae Regem, Caesarea Majestas aut caeteri Serenissimi Archiduces ullum Auxilium Moschis dare, & hanc Transactionem turbare debeant, aut possint. Ad extremum etiam Turcarum Principem per praesentes, & futuras, quocunque, si quae intercesserint, inducias, ita ut isthaec Transactio Caesaream Majestatem contra illum ligare non possit, nec debeat. Vicissim vero Nos Serenissimi Poloniae Regis Commissarii, ejusdem Serenissimi Regis, Regni, Magni Ducatus Litvaniae, caeterarumque Ditionum, ejus

ejus nomine praefatum Sanctissimum Dominum nostrum Papam, Sanctamque Sedem Apostolicam, tum Serenissimum Parentem Serenissimi Regis nostri Regem Sveciae, Illustrissimum Sigismundum Principem Transylvaniae, nec non Pacem, quae eidem Serenissimo Regi nostro cum Turcarum Principe intercedit, aut in posterum juxta pristinam Domini Sigismundi Augusti Avunculi ejus Formulam intercedet, diserte excipimus, reservamusque. Quae omnia & singula in omnibus Suis Punctis, Articulis, & Clausulis Sancte inviolabiliterque observatum expletumque iri, Nos Supra scripti utriusque Partis Commissarii cum Principum nostrorum, Ordinumque ipsorum, tum nostro Nomine jam ex hoc ipso tempore, sub fide, honore, & juramenti Nostri Sancte promittimus spondemusque. Juris autem firmitudinis, & fidei causa, inprimis, ut Sanctissimi etiam Domini nostri de Latere Legatus, Illustrissimus, & Reverendissimus in Christo Pater, & Dominus, Dominus Cardinalis Aldobrandinus, ut cujus prudentia, studio, atque opera maximo haec res confecta fuit, eandem Transactionem hanc subscriberet, Sigilloque suo muniret, communiter ab Illustrissima Dominatione Sua impetravimus, tum vero duo ejusdem exempla conficienda curavimus, Singulaque exempla ab omnibus Nobis communiter subscripta, figillisque omnium munita, singulae Partes accepimus. Datum Bithomii & Bendzini Nona die Mensis Martii Anno Domini Millesimo Quingentesimo Octuagesimo Nono.

Hyppolitus Tituli S. Pancratii Presbyter Cardinalis, Aldobrandinus Sacrae Romanae Ecclesiae major Poenitentarius, & Sanctissimi Domini nostri, Sanctaeque Sedis, Apostolicae Legatus de Latere.

Guilelmus Urfinus de Rosenberg.

Petrus Episcopus Jauriensis.

Christophorus junior Baro a Lobkowitz.

Richardus Stein, Baro in Schwartzenu.

Stanislaus Episcopus Olomucensis.

Seifridus a Fromitz Baro in Pless.

Nicolaus Jsthanli.

Kobenzel de Prosssek Baro.

e

Hiero-



Hieronymus Comes a Rozdrazow, Episcopus Vladislavienfis & Pomeraniae.

Janussius Dux in Ostrog, Palatinus Volhiniae.

Stanislaus Gostomski de Lezenice Palatinus Ravenfis, Capitaneus Radomienfis.

Christophorus Zienowicz Palatinus Brestensis Magni Ducatus Litvaniae, manu propria.

Andreas Opalenski Supremus Regni Poloniae Marefchalcus, manu propria.

Joannes Zamoyski Regni Poloniae Cancellarius, & Generalis Capitaneus.

Num. XII.

*Litterae Andreae Olszomski Procancellarii Regni ad Supremum Regni Cancellarium Varsav. 4. Augusti. (1673.)* Ex Andreae Zaluski Episcopi Varmienfis, Supremi Regni Poloniae Cancellarii Epistolar. Histor. familiarium Tom. I. ad an. 1673. pag. 469. seq.

**C**raftina die post audientiam Ablegati Moscovitici, valedicet Regi Marefchalcus, pro die praefixa ad castra perrecturus, Princeps Valachie seu Hospodar, per Legatum & literas suas suggerit consilium, ut aliquem ex praecipuis expediamus ad Portam, qui non praetereat Haseim Bassam, tanquam plenipotentarium Turcicum ad tractandum nobiscum; forte volunt nostram in effectum deducere propositionem in qua volumus; ut Imperator Turcarum daret potestatem Bassae; Rex vero ex parte sua delegaret aliquem cum autoritate virum, Senatorem; suppetiarum nulla spes ab Imperatore, qui se gravi bello cum Gallo implicuit, ad quod prosequendum invitavit pro consilio Generali bellico Bavaricum, Saxonicum & Brandenburgicum Electores, aliosque Principes Imperij; aut eorum delegatos: scribitur pro certo, Bauarus Caesareis passum non permiffurus, ad idem se resolvit Episcopus Dux Franconiae, Moscum suspectum nobis amicum facit, graca fides, Exercitus ejus retro-

retrocessit sub Batorinum. De expugnatione Ozoviae vani rumores; tantum enim eo Sirco processerat abactus equorum Turcicorum agmina, sed illum Turcae praemoniti, repulerunt, caede illata Cosaccis, quorum 60. captorum, 18. ad Imperatorem, ad Huilarim Bassam miserunt duos, qui in Tartaris metum Moscorum & Cosaccorum discusserunt: non defunt & alia insinceritatis, erga nos, Moscoviticae, documenta. Electorem Brandenburgicum non invenit Morstin Berolini; spem facit mittendorum inde 1500. militum, sed paratam vult illis dari pro sustentatione pecuniam seu Lenungi. Apasi Princeps Transylvaniae in datis ad me, assecurat, Portam nobiscum pacem conservaturam, salvis per omnia conditionibus tractatus, praeteriti anni, alias non; interim in prudentia supremi Regni Marefchalci summum consistit momentum, vel belli, vel pacis. *Ablegatus Caesareus exhibuit Regi memoriale Principalis sui volentis redimere Scepusienses civitates*, profecto non facile responsum dare poterò; licet enim Sigismundus Imperator Vladislao Jagello ni anni 1412. oppignoravit Scepusium, triginta & aliquot florenorum millibus, latorum grossorum Pragensium, cum pacto redhibitionis; sed postea successerunt varia alia pacta, Electiones Regionum Principum Poloniae, in Reges Hungariae, matrimonia Annae Isabellae, pacta de eliberatione Maximiliani, in quibus adjudicaverunt nobis a seculis quietam Scepusii possessionem. Subscripta sunt postea haec pacta a Clemente VIII, a Lubkovicz antenato moderni Ministri Status; favet nobis autoritas nostrorum historicorum, Wapowfcij, Bielscij: *alias enim etiam ad Russiae Ducatum, cum Podolia, posset habere praetensionem Imperator, numeratis 100000. flor: ut est in pactis inter Ludovicum Hungariae Regem; par aut major praetensio ad Prussiam, & nostra vicissim ad Silesiam.* Quidquid ergo rationum & probationum occurrere poterit, investigare velis, meque fulcire.

Num. XIII.

**N**os Johannes dei gracia, Dux Offwicensis, & Scolasticus Cracouiensis, Recognoscimus & fatemur tenore praesentium vniuersis, Nos esse principem & vasallum, Magnifici principis domini



mini nostri domini Johannis, Boemie & Polonie Regis Illustris, ac Comitis Lucemburgensis, & ab eo *terram nostram Offwicensem*, cum suis Ciuitatibus & Castris, videlicet Offwicensi Ciuitate cum Castro, Zathor, Ciuitate, Kant, Zipscha, wadowicz, & Spikowicz Opidis, cum etiam villis hominibus, uasallis, ac Militibus, ad ipsas, & ipsa spectantibus, & aliis suis pertinenciis vniuersis, in quibuscunque consistant, quas nunc habemus, & impofterum sumus quocunque titulo habituri, nostro, heredum, & successorum nostrorum, Ducum Offwicensium, nomine, recepisse in feodum, & ab ipso tenere, ac possidere, Jure & titulo feodali, volentes, quod heredes, & successores nostri, Duces Offwicenses, predicti, iuxta litterarum continenciam, quas a predicto domino Rege Boemie, super eo habemus, quodocunque predictam terram nostram, vacare contigerit, eam ab ipso domino nostro Rege, & a suis heredibus, seu successoribus, Regibus boemie, in feodo deinceps semper recipere debeant & tenere, & facto sibi, per eos, seruande perpetuo fidelitatis homagio, sicut & nos nunc, spontanea & libera voluntate fecimus, ei, vel eis, tamquam eius, vel eorum princeps & uasallus, sincera fide intendere & parere. In Cuius rei testimonium presentes litteras fieri & sigillo nostro fecimus roborari, Datum in Boutung, anno domini Millesimo, Trecentesimo, vicesimo Septimo, vj. Kalend. Marcij.



Num. XIV.

**K**azimirus dei gracia Polonie Rex. Vniuersis presentes litteras inspecturis Salutem & noticiam subscriptorum. Salus & uita & perhennis tranquillitas benedictio pacis irradiata claris fulgoribus per orbis clarius refulget climata, dum Regnorum subditis &

ter-

terrarum incolis prouidetur de commodis, & inter Principes desiderate gracia vnio ac indissolubilis karitatis federa graciosius amplectuntur. Cum itaque sicuti status precedencium temporum demonstrat, inter magnificos Principes Dominos Johannem Boemie Regem, & Karolum ipsius primogenitum Marchionem morauie Illustris fratres nostros karissimos, ac progenitores & predecessores eorum parte ex vna, nosque ac progenitores nostros parte ex altera non nulle afflictiones Sediciones & multiplices calamitates, cedesse personarum ac rerum hinc inde per tempora agitate noscantur, ac dampnabilius perpetrata, propter quod Regnorum & Terrarum nostrarum gubernacula utrobique grauia pertulere dispendia & iacturas innumeras cottidie habuerunt, Nos huiusmodi tot & tantis cupientes salutare obuiare periculis quinyo eis finem imponere salutarem Affectantesque attentis affectibus, cum iam dictis dominis Rege & Marchione firmam ac perpetuam amicitie gratiam, ac fraterne dileccionis vinculum irrefragabiliter colligare, in hoc votis eorum, ac nostris satisfaciētes libenti animo recongnosimus, dicimus, & publice protestamur, Nos in magnis Principibus Dominis Ducibus Bolezlao Lignicensi & bregensi, Heinrico Zaganiensi & Crofensi Conrado Olisnicensi Johanne Stinauiensi Slezie Ducibus, necnon Bolkone Oppolienfi, Bolkone de falkinberch Alberto de Strzilecz. Wladyslao Thesinenfi ducibus Wladislao Cozlenfi & Bitonienfi Principe Mazouie Domino in Plocz, Leskone Rathiborienfi & Johanne Ofwiecimensi ducibus & uasallis eorum cum ipsorum Ducatibus & dominijs Terris districtibus Jurisdictionibus, pertinentijs, metis appendijs & limitibus antiquis quibuscunque, necnon in Ciuitatibus Wratislauie & Glogouie cum districtibus, limitibus Affectibus & pertinencijs earum vniuersis, *nulum ius proprietatem, uel dominium possessionem, ac Tytulum habere & habuisse competere, aut compeciisse aliquo modo in eisdem*, promittentes ipsos Dominos Regem & Marchionem aut heredes choeredes & successores eorum super prenomatis Ducibus & ducatibus eorum, seu etiam Ciuitatibus Wratislauie & Glogouie cum pertinentijs suis per nos uel heredes choeredes & Successores nostros, aut alios quocunque nullo vnquam tempore impedire, molestare uel impetere, nec duces aut ducatus ipsos & ipsorum pertinencias nobis aut heredibus nostris vendicabimus aut etiam assumemus in ipsorum Regis & Marchionis uel heredum eorum preiudicium vel grauamen, quinyo



ymo. placet Nobis & optime fauimus eis in eisdem, *renunciantes in super & cedentes, pro nobis heredibus coheredibus & successoribus nostris*, omni iuri, accioni, questioni, proprietati & tytulo in perpetuum, si que nobis aut heredibus & Successoribus nostris competebant competere *seu competere possent quomodolibet in futurum*, promittentes etiam *sub fide prestiti iuramenti tactis sacrosanctis ewangelij* & nichilominus excommunicacionis late sentencie contra huiusmodi nostram rerunciacionem, cessionem & promissionem aliqua accione impetitione, Suggestione, studio, ingenio iure facto atque verbo nequaquam venire. Non obstantibus aliquibus pactis, paccionibus, Statutis, reformationibus ordinacionibus, consuetudinibus, *prescriptionibus* conuencionibus immunitatibus indulgencijs Priuilegijs, uel litteris Apostolicis Imperialibus aut alijs quibuscunque, scriptis impetratis seu in posterum impetrandis, necnon iuribus quibuscunque tam Juris Canonici Ciuilis aut etiam municipalis, sub quacunque forma verborum uel prolacione conceptis, uel in posterum concipiendis, etiam si talia forent, quibus de verbo ad verbum specialem & expressam deberet fieri quomodolibet mencionem, que omnia & singula & quodlibet singulorum cassa irrita vacua & inania esse & intelligi volumus nulliusque fore efficacie penitus aut momenti ipsis etiam ex certa nostra sciencia per omnia derogamus. In quorum omnium testimonium atque robur perpetuum presentes scribi fecimus & nostrorum Sigillorum munimine Roborari. Datum Cracouie in Octaua Purificacionis Sancte Marie virginis, Anno Domini Millesimo. C°. C°. C°. Tricesimo Nono.





Num. XV.

**N**os Ludouicus dei gracia Rex Hungarie Dalmacie Polonie etcetera, Notum facimus Vniuersis quibus interest vel inter-

interesse poterit infuturum per presentes Quod ob singularem interne caritatis ardorem, quo Serenissimum ac Inuictissimum principem & dominum, dominum Karolum quartum Romanorum Imperatorem semper Augustum & Bohemie Regem Illustrum, Serenissimam principem dominam Elyzabeth, Romanorum Imperatricem & Bohemie Reginam, sororem nostram, & Illustrum ac Magnificum principem dominum Wencezlaum Bohemie regem, prefati domini Imperatoris filium ac Illustris Principes, dominos Johannem & Jodoucum, eius primogenitum, Marchyones & dominos terre Morauie fratres nostros karissimos, ceterosque filios & Heredes ipsorum, pio fraternoque sinceritatis zelo, complectimur, ipsis animo deliberato, non per errorem, aut improuide, sed maturo principum ecclesiasticorum, & secularium, Comitum Baronum & nobilium nostrorum fidelium ad hoc accedente consilio, & ex certa nostra sciencia, pro nobis, ac serenissima principe domina Elyzabeth consorte nostra carissima Hungarie Polonie &c. Regina, necnon Heredibus Heredum Heredibus & successoribus nostris Hungarie Polonie Dalmacie &c. Regibus, in perpetuum promissimus & promittimus bona fide, dolo & fraude quibuslibet proculmotis, & sub eo *Juramento corporali*, quod nos & predicta domina consors nostra carissima regina Hungarie super lignum uiuifice crucis & super sancta dei ewangelia in manus Reuerendi in christo patris, domini Johannis Patriarche Alexandrini Apostolice sedis legati prestitimus, quod tam nos, quam eadem domina Regina Heredes & successores nostri, *nunquam nos uel Heredes nostri & Heredum Heredes & successores aspirare debemus nec volumus ad uendicandum aut usurpandum nobis uel ipsis*, aut alicui ex nobis regnum Bohemie principatus, seu principes, aut Prelatos, ecclesiasticos siue seculares & signanter specifice & expresse, eiusdem regni & Corone Bohemie principes, *principatus & ducatus* uidelicet Wratizlaue, Swindnicie Jaurensem Monstewbergensem, Legnicensem, Bregensem Olnicensem, Glogouie & Crussin, Sagom, Opoliensem Falkenbergensem, Strelicensem, Teschinentsem, Ratheborensem, & Opaue, Cossensem, Bythinnensem, *Wsuiciensem*, Stinaue & Gorensem, necnon Marchyonatus Morauie, Lusacie, Budissinensem & Gorlicensem seu alios eorum quoscunque principatus, ducatus terras, Homines, dominia, Ciuitates Castra seu quaslibet pertinenencias eorum communiter & diuisim in genere specie, siue in Boh-



hemia Moravia, Slesia Polonia Saxonia Bauaria, Franconia seu alias vbicumque locorum consistant, vel ad vendicandum seu vsurpandum nobis quascumque, vel alicuius eorum metas, granicias gades, seu terminos, aut Jura libertates pertinencias consuetudines, uel obseruancias, que seu quas ad presens tenent, habent & possident seu auctore domino de Jure adipisci, habere, tenere, optinere vel possidere poterunt aut debebunt, quomodolibet in futurum, seu etiam quecumque alia ad ipsos quouismodo spectancia, vbicumque sita, que non sunt nominatim inclusa presentibus, etiam, si talia forent, de quibus Hic fieri deberet vel posset mencio specialis, *Et in eum casum, si Huiusmodi eorum principes, principatus, Ducatus, duces Comites, Barones, nobiles, milites & clientes, Ciues Ciuitates Opida Castra, aut vniuersitates terre seu Homines, aut eorum aliquis vel aliqui, se voluntarie seu sponte nobis offerrent, offerre vel lent, vel quouismodo deliberarent, subdere, subicere uel offerre, quod exnunc prout extunc, & extunc prout exnunc, promittimus & spondemus pro nobis ac omnibus & singulis supradictis sub Juramento & fide prefatis, tales vel talem nullatenus assumpere, recipere seu aliquatenus acceptare, quibuscumque adinuencionibus ingenio vel colore quesitis, Incuius rei testimonium presentes nostre maiestatis, & eiusdem domine regine consortis nostre karissime Sigillis auctoritatis simplicibus appensione Iussimus communiri. Datum Jn Wysegrad in festo sancte Trinitatis, Anno domini Millesimo Trecentesimo Septuagesimo Secundo.*



Num. XVI.

Num. XVI.

*Ex Diplomatario Manuscripto Poloniae apud Sommersberg Tom. II. Scr. Rev. Sil. in Mantissa Diplom. pag. 86.*

Georgius Rex Bohemiae Conventu personali cum Casimiro Glogoviae instituto inter se foedus ineunt, imprimis contra Turcarum Imperatorem promittit Rex Poloniae, si Rex Bohemiae a Turca bello infestetur, se in persona sua ei opem laturum; id ipsum Rex Bohemiae facturum est, contra alios praeterea Hostes omnes, tam Seculares quam Spirituales, Summo Pontifice excepto, mutuum sibi spondent auxilium, damna mutua arcentur. De injuriis Jure transigatur, moneta legitima cudatur, Causa Henrici Ducis Glogovienfis & Crosnensis a mutuis Commissariis ratione Oppidorum & Villarum, quae Rex Poloniae possidet, decidatur in oppido Babimost. De Castris *Osswiecimensi, Woskenfi, Sieviorensi, Zatorensi, Beerwaldensi, Zywicensi* convenit, ut Rex Poloniae possideat ad Vitam; Dotem Helisabethae Reginae debitam, Rex Poloniae vivente Rege Bohemiae non repetat. Glogoviae feria V. Ascens. Domini 1462.

Num. XVII.

*Ex Diplomatario Manuscripto Poloniae apud Sommersberg Tom. II. Scr. Rev. Sil. in Mantissa Diplom. pag. 86.*

Christophorus de Schidlowitz, Palatinus Cracoviensis, Regni Cancellarius, Sigismundi Regis apud Ferdinandum Bohemiae Regem Orator testatur, se eidem Regi exhibuisse Foedus inter Casimirum Poloniae & Georgium Bohemiae Reges initum, cujus primum Articulum de Societate Belli contra Turcam Ferdinandus Rex ad ordines Regni sui relaturum se promittit; pariter de Societate contra hostes, ut Carolus Imperator exciperetur, voluit; ceteri articuli de injuriis non inferendis, de puniendis Transgressoriis & maledicis, de Securitate Viarum, de Moneta, de Commissariis



riis five Judicibus qui lites & controversias dirimant, in finibus utriusque Silesiæ & utriusque Poloniæ, & Conventus hac de causa faciant, dandis, secundum Præscriptum Ejusdem Fœderis conclusum est. Quod si Rex alter ab altero quidpiam prætenderet, Judicem vel Judices de consensu legent. Adjunctum est præterea ut iidem Reges & Johannes Comes Scepusiensis Woywoda Transylvanus, Olomucium Oratores suos ad tractandum de Pace Nuntios mittant. Pragæ feria IV. post Dominicam Oculi A. D. 1527.





L

28.62386

28.62387



